


7a

30.363







~~12~~

30363

25-5-21.

-10

b16378532

M E D I C E A

H O S P E S,

five

D E S C R I P T I O

P V B L I C Æ G R A T V L A T I O N I S,

qua

Serenissimam, Augustissimamque

Reginam,

M A R I A M D E M E D I C I S,

excepit

S E N A T V S P O P V L V S Q V E


A M S T E L O D A M E N S I S.

Auctore C A S P A R E B A R L A E O.

*Auctore damnato cum hac nota permisso.*

Cornelii Librariae vel Colegio Maior

et Cuencia



A M S T E L O D A M I,

Typis I O H A N N I S & C O R N E L I I B L A E V,

c I o I o c x x x v i i i .





A. E. G. C. H. M.

C. H. C. H.

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800

1800


1800

1800

1800



Sic ivit nostram grandis MEDICEA per Vrbem,  
Sceptrorum Mater suspicienda trium.



A D

Nobilissimos, Amplissimos, Spectatissimos,  
Prudentissimosque Reip. Amstelodamensis

C O N S V L E S,

D. A N T O N I V M O E T G E N S van  
Waveren, Equitem, Dominum à Waveren,  
Bochtsholl, Rugewillis, &c.

D. A L B E R T V M C O N R A D I  
B V R G I V M, ad Magnum Russiæ ducem  
Exlegatum.

D. P E T R V M H A S S E L A E R, Mili-  
tiæ Vrbicæ Tribunum.

D. A B R A H A M V M B O O M I V M,  
in Confessu Deputatorum D. D. Ordinum Hol-  
landiæ antehac Delegatum.

**N**OBISSIMI, AMPLISSIMI,  
SPECTATISSIMI, PRUDEN-  
TISSIMI QVE CONVLES,

Quod in cœlis Deus est, in  
terris Princeps est. Ille nullius  
imago, quia à nullo. Hic Dei imago, quia  
ab illo. Deus paret nemini, quia inferior  
nemine. Princeps Deo, quia solo Deo infe-  
rior. Illius potestas terminum nescit, quia di-

P R A E F A T I O.

lucet sibi Sol, sed nobis. Movet se, ut hominum  
promoveat commoda. Nec vivit sibi Princeps,  
sed subditis. qua hic fulget luce, fulget & gau-  
det populus. Majestatem suam appellatione,  
usu suorum putat. Hinc in Deum & Princi-  
pem, licet dispari affectu & studio, reflectimur  
amore, obsequio, reverentia, fide. In Deum,  
ut omnis boni & felicitatis humanæ fontem  
principiumque. In Principem, veluti tanto-  
rum bonorum Curatorem & administrum,  
adeoque à summo Numine secundum. Nec  
enim proprius ad Deum acceditur, quam ho-  
minum tutela. Eminere regium est, sed magis  
prodeesse & servare. Prima ipsorum virtus, pa-  
triæ, sociisque consulere, orbi quietem, seculo  
pacem dare. Harum rerum conscientia insidet  
altè mortalium animis, usque adeò, ut quoties  
augusto Principum vultu frui ipsis licet, nu-  
men aliquod se in terris adspectare potent, &  
ejus occursu tanquam ad fulgidioris astri ju-  
bār ortumque recreentur. Amant flagrantius  
adspicere eos, à quibus benignè adspiciuntur.  
Tradunt se totos illis, quibus non servitus ci-

P R A E F A T I O.

vina est. Hujus , cum hominis sit , termino modoque circumscribitur . Ille legibus solutus , quia solus leges fert. Hic iis adstrictus , quas à Deo & recta Ratione accipit. Numinis arbitrio & vi aguntur omnia, etiam Rex, Regina, Princeps. At horum nutu non nisi imperio subditi. Deus, quem submissè colat, amet, veneretur, non habet, quia nulli debet. Princeps solum Deum ; cui & se totum & Principatus sui debet decora. Assurgit Principi populus. Deo & Princeps & populus. Qui Deo debetur cultus à religione est, quæ animas creatori arctius alligat. Qui Regibus, qui Principibus, ab ea pietate est, quæ officiosa esse in illos, sed remissius , amat. Habet mundus eximia plura , magnitudine sua , sublimitate , splendore stupenda. Fulget in cœlo astrorum omnium Princeps Sòl , & mortalium in se oculos & anni spem convertit. Fulget Luna & siderum illustris exercitus. Luce, motu , tacitisque influxibus admirabiles sunt & penè venerabiles. At Principe nihil grandius , nihil sublimius, nihil illustrius habet suppositus cœlo orbis. Non lucet

P R A E F A T I O.

de, suspicere & Vos augusta Regum & Regina-  
rum nomina, & charos habere, quos Deos ap-  
pellavit, quantumvis zelotes, Deus. Nullum in-  
termisistis officiorum genus, quod præstari à  
vobis præfens Reip. status, loci temporisque  
sivit oportunitas. Exhibitus honos majora, et  
iam vestro judicio, meritæ Principi. ut non li-  
beratoriam hanc, sed confessoriam potius ac-  
ceptorum beneficiorum tabulam credatis.  
Non referam publica. quod vos tangit priva-  
tum beneficium, majoribus suis debet, à qui-  
bus Civitati vestre ejura & immunitates con-  
cessæ, quibus latius potentiam explicatis.  
**Q**uanta festivitate, quantis gaudiis, quam læto  
extra & intra urbis pomœria occursu, quam  
prona ubique gratulatione, quam splendido  
apparatu, erectis hic illic Arcubus & Portis  
Triumphalibus, exhibitis Ludis, coacto totius  
Militiae Vrbanæ exercitu, Reginam exceperi-  
tis, norunt, quotquot tantorum solennium spe-  
ctatores fuere. Iam ad eadem Spectacula, ad  
eandem Panegyrin, vestra liberalitate & im-  
pensis admittuntur absentes, quibus coram  
hæc

P R A E F A T I O.

vium , sed cura tradita est , qui Rempublicam non sibi solum , sed se quoque Reipublicæ de-  
voveri volunt. Veneratione excipiunt Mode-  
ratores orbis, cuius partes sunt , & diffusos in  
Principem potentiae divinæ rivulos attoniti  
admirantur & suspiciunt. Regem da , vel Re-  
ginam, quamvis vel Indis illa, vel Afris, vel Sa-  
bæis, vel Scythis imperet, sive magnanima fue-  
rit Semiramis , sive bellicosa Thomyris , sive  
prudens & perita regnandi Tanaquil , sive pa-  
cis studiofa Placidia , excitabimur, commove-  
bimur ad Imperatoriæ majestatis intuitum o-  
mnes, & reverentię ac gratulationis officia non  
invitis imperabit summæ potestatis veneratio.  
Non arcessam longè exempla. Venit pridem in  
Vrbem hanc vestram Augustissima Regina M A-  
RIA de MEDICIS, familia, imperio, conjugio,  
liberorum sceptris ac thalamis illustris. Illi vos  
publico Reip. nomine , & privato insuper affe-  
ctu assurrexistis. Cives jussi pariter ac injussi,  
tanquam ad novi sideris conspectum, gratulan-  
tes undiq; convolavere. Idem plebis studium,  
fervor, alacritas. Documentum dedistis gran-  
de

P R A E F A T I O.

de, suspicere & Vos augusta Regum & Regina-  
rum nomina, & charos habere, quos Deos ap-  
pellavit, quantumvis zelotes, Deus. Nullum in-  
termisistis officiorum genus, quod præstari à  
vobis præsens Reip. status, loci temporisque  
sivit oportunitas. Exhibitus honos majora, et  
iam vestro judicio, meritæ Principi. ut non li-  
beratoriam hanc, sed confessoriam potius ac-  
ceptorum beneficiorum tabulam credatis.  
Non referam publica. quod vos tangit priva-  
tum beneficium, majoribus suis debet, à qui-  
bus Civitati vestre ea jura & immunitates con-  
cessæ, quibus latius potentiam explicatis.  
**Q**uanta festivitate, quantis gaudiis, quam læto  
extra & intra urbis pomœria occursu, quam  
prona ubique gratulatione, quam splendido  
apparatu, erectis hic illic Arcibus & Portis  
Triumphalibus, exhibitis Ludis, coacto totius  
Militiae Vrbanæ exercitu, Reginam exceperi-  
tis, norunt, quotquot tantorum solennium spe-  
ctatores fuere. Iam ad eadem Spectacula, ad  
eandem Panegyrin, vestra liberalitate & im-  
pensis admittuntur absentes, quibus coram

hæc

P R A E F A T I O.

hæc intueri non licuit. Venit jam ad illos Regi-  
na, & quæ mœnia vestra subiit, nunc alibi scri-  
ptoris & sculptoris beneficio conspicitur, &  
salutatur. Stant ante oculos pegmata, theatra,  
classes, equitum ordines, civium cohortes, sce-  
næ, dramata, prout hic stetere omnia, vel live-  
re. Non poterit ingrata esse eorum lectio, quo-  
rum conspectus fuit jucundissimus. Facit nar-  
ratio, ut diuturnior sit memoria eorum, quæ  
non scripta oblivione cito intercidunt. Et quæ  
multa singuli non videre, nunc in unum colle-  
cta, omnibus in aperto sunt. Spectaculorum &  
Emblematum argumenta, quæ ob subitas the-  
atridiorum mutationes & vices pauci asscuti  
fuere, tranquillo & extra turbæ strcpitum po-  
sito lectori explicantur, ea brevitate, quæ fa-  
ctis nihil magnum aut memorabile subducit.  
In minuta inquirere supervacaneum fuit, ob  
res plurimas minoris momenti, variis locis, à  
variis, & minus palam gestis. anxia sedulitas  
sedulitatis error est, cum rei summæ id omne  
decedat, quod minus seriis, ac non necessariis  
impeditur. Omnis hic apparatus ad Vos re-  
dit.

P R A E F A T I O.

dit , Amplissimi C O N S V L E S , quia vester est .  
Vestro nomini inscribitur , cuius vos autores .  
Magnificentiae , humanitatis , & benevolentiae  
vestræ in maximam Principem monumenta  
agnoscent , quotquot hæc legent . Dicent im-  
perio dignos , qui , cum honoris publici inter-  
est , fordes carent . nec decere tenuitatem eos ,  
quos populo secrevit fascium dignitas . Quod  
Regina , quod illustris Reginæ comitatus , quod  
populus Amstelodamensis credit , brevi re-  
censione postremus attestor . quæ quam gra-  
tiam derogat sibi , à vestra sperat facilitate &  
patrocinio . Æquis animis ea ipsa accipite , quæ  
æquissimis in M E D I C E A M egistis . Placeat Vo-  
bis scribentis conatus & studium , quorum  
pronis in se studiis annuit Regia Mater . Qui  
Regum Principumque vultus in èra inducunt ,  
quam ab arte nequeunt , ab insculpta Impe-  
rantium imagine benevolentiam impetrant .  
Dum Regina , dum Regum Genitrix , dum Im-  
peratorum Neptis utramque paginam facit ,  
veniam merebitur demissa & infra Majestatis  
apicem subsidens & fatiscens oratio . Vide-  
bitis ,

P R A E F A T I O.

bitis, ubi per Reip. curas legere dabitur. Non  
urgeo hoc valde. illud maximè, ut qualem me  
erga Vos Vrbemque vestram ostendi esse, ta-  
lem me per ætatem fore credatis. Ita Vobis,  
ita florentissimæ Civitati, perpetuum Deus be-  
nè faxit. Anno c i o i o c x x v i i i Octob. xx.

V. N. & A.

*addictissimus*

C A S P A R   B A R L A E V S.

M E D I C E A H O S P E S,

S I V E

Descriptio publicæ Gratulationis,

qua Serenissimam Reginam

M A R I A M D E M E D I C I S

excepit

Senatus Populusque Amstelodamensis.



ERENISSIMÆ REGINÆ, Prefatio.

MARIÆ DE MEDICIS,

in Vrbem Amstelodamensium solennem ingressum descripturus, nec quæsitis præter rem præconiis Regiam Majestatem, nec Vrbem hanc nostram fatigabo. **Quicquid enim** de Illa excellens eximiumque dixero, infra magnitudinem erit ejus, quæ Austriacæ Familiæ, cui maternum genus debet, dignitatem, prudentiam sapientiamque Mediceæ, unde nomen & paternum genus dicit, in domum Borboniam ac Franciæ regnum intulit. **Quicquid de hac mediocre dixero, à vero abiabit, quicquid magnum, invidiæ fortè oportunum videri poterit, aut ab obnoxio profectum.**

Ingentes Principum animi publicæ gratulationis officia præstari sibi patiuntur verius, quam ambiunt. quem non efflagitant, civium sociorumque favore frui amant. Ideò moderationem admisceri amant iis narrationibus, quæ honori ipsorum consecrantur. Illud nobis dicere liceat, quod res est, Vrbem Dei beneficio magnam, excepisse Reginam Dei gratia ma-

B

ximam

ximam augustissimamque, Cæsarum & Hetruriæ Dūcum sanguine illustrem , quæ Maximilianos , Philippos, Ferdinandos, Carolos, Cosmos, Laurentios, Leones , Clementes , stemmati suo innexos adspicit. Digna profectò hospes fuit tali hospitio. nec indignum omnino hospitium tam grandi hospite. Si Reginam intueamur , omnium Galliarum Imperatrix ante oculos stat. Si Vrbem , omnium Mundi partium nobile emporium. Illa invictissimi Regis Henrici Magni conjux , tantis nuptiis inclaruit. Hæc sociarum urbium & terrarum inviolabili federe clara viget. Illa potentissimorum Europæ Regum Mater splendidissimis regnis Dominos vel Dominas dedit. Hæc emundis vendundisque mercimoniis iisdem regnis commoda adfert , ab iisdem capit. Illa gentis inclytæ natibus eminet , hæc plurimarum ad se gentium accessu. Illa Majestate populis venerabilis , hæc illicis lucri spe domi forisque amabilis. Regina terras suorum monstrare potest , quò navigandum. Civitas nostra classes rateique quibus naviget. Regina Veterem Novumque orbem vel filiorum vel filiarum sceptris complectitur. Civitas hæc quod in utrumque inferat , quod abutroque repetat , veluti utriusque communis Officina , habet. Illi , ut poetarum verbis loquar :

*generos Tethys dedit omnibus undis.*

Hæc  
*est, exiguis qua finibus orta tetendit  
 In geminos axes, parvaque à sede profecta  
 Dispersit cum Sole manus.*

Illa ,  
*Lata Deūm partu, magnos complexa nepotes,  
 Omnes sceptriferos, nondum supera alta tenentes.*

Hujus

Hujus

*pacificis debemus moribus omnes,**Quod veluti patriis regionibus utitur hospes,**Quod sedem mutare licet, quod cernere Thulen**Rursus, & horrendos quondam penetrare recessus,**Quod bibimus pa&sim Rhodanum, potamus Orontem,**Quod cuncti gens una sumus.*

Videbor præter decorum comparationem fecisse Reginæ & Vrbis. Sed illius magnitudinem Imperii esse constat, & sanguinis & majorum & heroicarum virtutum. Hujus fortunæ, & mercaturæ & privatæ civium felicitatis. Illud dubium, an illius incredibilem in altitudine comitatem mireris magis, an hujus erga Celfissimam Reginam prædicandam humanitatem. Officii sui esse credidit Amstelodamensium Respublica, assurgere Maximiliani Imperatoris Abnepti, à quo Cæsareæ Coronæ insignia olim impetravit. ideoque executa est splendidius, quæ aliæ civitates pari fecere affectu & veneratione. Subiit animum Amplissimi Senatus, rem esse veteris & recentis ævi, Reges Principesque non sine solenni apparatu in urbes vel suas vel federatas recipi. Hoc à Græcis, hoc à Romanis factitatum, five triumphos, five ovationes, five trophæa, statuas, epinicia, aliaque publici honoris testimonia benè de Republ. Imperioque meritis decernerent. Et quanquam terrarum suarum urbisque Principi gratulatus non fuerit, ejus tamen dignitati gratificari voluit, quæ ex priscis laudatissimisque harum Provinciarum Principibus generis sui seriem deducit. Accedit & illud, quod potentissimo Galliarum Rege, LUDOVICO XIII Iusto, status nostri vindice, federisque cum HENRICO IV patre olim initi perpetua felicitate fruamur; quorum

Regum Illa vel partu vel conjugio gloriofissima habetur. Nec major commodiorque testandæ gratitudinis oportunitas offerri potuit, quam si in ejus decus & splendorem se impendant Bataviæ civitates, quæ maximis aliquando beneficiis Remp. universam cumulavit. Triumphales pompæ virtutis & eminentioris fortunæ præmia sunt. Vtique nomine magnificentiam suam explicuere Amstelodamenium rectores. Erant Romanorum sumptus privatim tenues, publicè splendidissimi. illic parsimoniæ locum, hic dignitati esse volebant. Absunt à luxu impensæ largiores, quibus majeftas, fama, claritasque imperii afferitur. Non profunditur, quicquid in optimos Reip. fines effunditur. Nec mirum, majus aliquid conari civitates, quæ inter vicinas sua semper magnitudine præstitere.

*Discussus  
Reginae ex  
Brabantia.*

**R**EGINA Mater, postquam consilium cepisset, relieto Brabentinorum solo & cognatis Potestatis bus, apud quas annos complures exegerat, Federatorum terras adeundi, per Tungrorum, Eburonum, Taxandrorum fines, & obvias Batavorum urbes, Dordracum, Roterodamum, Delphos, Hagam devenit, Principum & Gubernatorum Hollandiæ priscam sedem. Hic Illustrium ac Præpotentum D.D. Ord. Generalium magnifico occurfu & salutatione excepta, quod jam antè ad Sylvam Ducis fecerat Celfissimus Arauforum Princeps, itineris sui tædia aliquot die rum mora discussit. Ire per viarum singula, & pom parum formas, & festivitatum modos, longi foret ser monis, nec nostri est instituti. Ea solum exequar, quæ sub Reginæ Adventum hic gesta, & exhibita pu blice

*Excipitur à  
Celfitudine  
Auriaca,  
obviis Civi-  
tatibus, &  
D.D. Ord.  
General.*

blice fuere. Tenebatur **Illa** unicè visendæ hujus Vrbis desiderio, de qua famâ multa antè magnaue inaudiverat. Pridie Calendarum Septembris, qui Augusto ultimus fuit, iter eò fecit, comitibus Celsissima Amelia, Principis Auriaci conjugæ, Mauritia Lusitaniae Principis Filiâ, Florentio Pallantio Culenburgi Comite, Ioanne Wolphardo Brederodio, Brederodii, Vianæ &c. Domino, vidua Domini de Potles, Brederodii sorore, ejusdemque Filia natu maxima, Iohanne Kerckhovio Polyandro, Heenvlietiæ Domino, Sylvarum Hollandiæ & agri Putteni Præfecto, & Nobilium aliis. Notat ingeniosa quorundam curiositas sacrum Romano Imperatori mensem militasse proficiscenti Imperatrici, Augustum Augustæ. eoq;  
Amstelodæ  
mum profi  
ciscitur.  
illum excurrisse die, quo **Illa** ad augustam Imperii insignibus civitatem properabat. Per Batavorum & Kemniorum agros profecta vergente in vesperam die Harleum venit. quæ inter septem primarias Hollandiæ civitates in Confessu D. D. Ordinum secunda loquitur, dura obsidione artiumque plurimorum laudibus, præsertim typographicæ grandi invento celebris. Quod cum nunciatum esset A. A. Amstelodæmensium Consulibus, nulla mora Syndicum suum Guilielmum Borelium, Duynbekæ Dominum, eò ablegavere, rogatum, ut Vrbem quoque suam adire Regina Mater dignaretur, sive terrestri, sive maritimo itinere in illam invehî mallet. Hoc gratius fore Regiæ Majestati, & tali Emporio conveniens ac decorum magis, ob celocium & Liburnicarum navium oportunitatem ac elegantiam, ac vectoriarum insuper longo pulchroque ordine in anchoris stantium insolitum exteris conspectum. Excepit be-

nignè Consulum invitationem Regina, & postero se die, Deo permittente, affore significavit, minus placere iter maritimum, ob aëris marisque incertam tempestatem, præferri terrestre, ut tutius commodiusque. Per noctem Harlemi commorata debitis à Senatu honoribus accepta fuit, juvantibus communem gratulationem civibus. Ipsis Calendis Septembris, Mercurii die Amstelodamum Mercurii studiis negociisque vigens oppidum petiit, non ea via, quæ per aggeris mari objecti sinuosa circumducit, sed quæ propter Fossam Novam recto & compendioso in urbem extenditur tramite. Dies ad omnem serenitatem compositus arridebat adventanti Mediceæ, felicior futurus, nisi vespertino imbre mensis etymo fidem fecisset.

Ad viæ medium locus est, ubi validis pandisque cataractis se in Austrini maris finum exonerat Lacus Harlemensis, à publica hospitum domo, quæ Cervi insigne præfert, appellationem habens. Convenerat huc Consulum præscripto (nondum enim qua via urbem esset ingressura Regina constabat) Liburnicarum navium numerosa classis, inter quas quæ Reginam, Principem comitesque illustriores veheret, Prætoria una erat, Societatis Indiae Occidentalis usibus inserviens, tapetis stragulisque decoris instrata, & fulgidiore conopæo tecta. Omnes velis, carbasis, dolonibus, pictis rostris pluteisque spectabiles, ad proram & puppim machinis bellicis formidabiles adventum Magnæ Matris operiebantur. Immensa longitudinis vexilla & navalia, ex serico, byffo, sindone aplustria pro ornamento erant. Non alia facie reges ducesque suos Athenæ, Cleopatram Ægyptus, Agrippi-


nam

nam Roma , Alexandrum victa Tyrus recepit.


Hic rogata iterum Regina, uti arbitrii sui esse sine-  
ret , vel cœptum iter curru prosequi , vel consensa  
Prætoriâ speciosa, quam videbat, classe circumfundи,  
stetit in sententia, five ob mutatam nonnihil aëris fa-  
ciem, five longiorem per aquas viam fore crederet ,  
five comitum formidine. Vti classem Yæ fluento in-  
natantem cernere erat , ita in continente Equitum  
patriticorum turma occursu suo jucundissimum præ-  
bebat Reginæ spectaculum. Non mercenario illa  
constabat milite , sed optimatum & opulentiorum  
civium selecta sobole. non necessitate ad bellum ,  
Principis aut Magistratus jussu convenire solita , sed  
sua voluntate ad honestam corporis animique exer-  
citationem. Calcaria, stapedes , frena, bullæ, fibulæ,  
contorti in cincinnos non sine artificio capilli & ju-  
bæ , & id genus alia equorum ornamenta aureis ar-  
genteisque bracteis fulgebant. Sellæ, pectoralia, stra-  
gula precio & pulchritudine certabant. Ensæ, sclo-  
peta pro armis crant. In pileorum verticibus disco-  
lores plumæ radiabant. Equis caput erectum argu-  
tumque, oculi vivaces, magni & micantes , auriculæ  
breves, collum juxta caput gracilescens , pectus am-  
plum, pleni lumbi, pedes lati & villosi. Coloris plu-  
rimi punicei vel castanei, quidam nigri, quidam varii  
& ex pluribus temperati. Quorundam generositatem  
arguebat pedum color niger , cana & crispa co-  
ma, maculæ zonæque rubræ. Erant, quos stellula in  
fronte commendabat. alios quatuor pedum , alios  
duorum , alios unius vel dextri vel sinistri candor.  
Ex circumversione ad utrumque latus versatiles  
agnoscas, ex incessu elegantes , ex habenarum motu  
obse-

Premissa  
Regine in  
occursum  
Equitum  
patriticorum  
phalanx, &  
Liburnica-  
rum na-  
vium clas-  
sis.

obsequentes & faciles. Quod si qua sonum procul  
arma dedere , stare loco nescii. Stantes spumantia  
mordebant frena, humum arrectis auribus pede pul-  
fabant. Ibant ad numerum & hinnitu dominorum  
suorum instituto adfremebant, ea gravitate, ac si Re-  
giæ se Majestati præire arcano instinctu cognovis-  
sent. Incedebant factis ex terno equite contuber-  
niis. Præcinebant tubicines tres purpurea veste  
induti , & tubarum clangore aurium gratiam deme-  
rebantur. Equites amictus forma colorque distin-  
guebat. hi serico velluto , hi Tyrio , hi Phrygio , hi  
bombycino, hi fimbriato, alii undulato speciosi ac de-  
cori. pro suprema veste plerisque lorica erat coria-  
cea , militaris habitus. Adspectus omnium & singu-  
lorum pulcherrimus. Nolo hic mihi objici Hanniba-  
lis dictum , de *forti magis & strenuo milite, quam eleganti.* Nec  
illum Venusini Poëtæ versiculum moror ; *Nil pictis timi-  
dus navita pupibus Fidit.* Quanquam enim ad bellum hæc  
non procefferit , sed in Reginæ occursum splendidif-  
fima phalanx , ea tamen illi ipsi florenti ac vegetæ  
Adolescentiæ inest vigor, ea animi magnitudo, & ge-  
nerositas, ut si non Maria, sed Annibal ad portas esset,  
ab urbis illum mœnibus depelleret , pro aris & focis  
illis ipsis armis, illo habitu intrepida pugnaret, & quæ  
nunc ostentationis gloriæque fuit, tunc seriæ militiæ  
foret armatura. Nec damnandus omnino in apparatu  
militari nitor. Plato, Tullius , ille duodecimo, hic se-  
cundo de Legibus libro , ad nullos alias usus βαμματα  
volunt servari & adhiberi, quam ad bellica ornamen-  
ta. Ipse Iulius Cæsar, imperatorum fortissimus , mili-  
tes suos tam cultos habebat, ut argento & auro poli-  
tis armis exornaret, simul & ad speciem & quo tena-  
ciores







ciores eorum in prælio essent, metu damni. Ipsius Vegetii præceptum est, ut miles veste nitidus, armis fulgens incedat. Erat dicti agminis Equestris ductor Cornelius à Davelaer, Advocatus, Dominus de Petthem, qui subsistente ad pulcherrimi Equitatus intuitum Regina, in hæc verba eandem allocutus fuit, & cum tota post phalange in Vrbem deduxit. Oratio è Gallico Latine redditia ita se habet:

S E R E N I S S I M A P R I N C E P S,

Hæc, quam coram vides, equitum patriciorum hujus Civitatis turma est, quæ D. D. Consulum & Reatorum hujus Reip. jussu, & augustæ ac incomparabilis dignitatis ac ingentium meritorum tuorum intuitu, M. T. Amstelodamense territorium limitesque intranti in occursum procedit, in testimonium ac documentum publicæ, quæ Vrbem hanc affecit lætitiae, in qua Civium singuli gaudent, exultant, ac sibi gratulantur, quod M. T. præter beneficiorum cumulum præsentiae suæ fulgore, veluti novo sole, Vrbem hanc Amstelodamensem illustrare dignetur. Officia nostra, quæ à nobis præstari M. T. possunt, liberaliter & prolixè offerimus, speciatim vero, uti M. T. intra Vrbis portas in eum locum hoc comitatu deduci se finat, in quo excellentiores magnique nominis Principes, quoties huc concedunt, divertere & publico nomine excipi solent. ubi M. T. experietur, hoc nostrum officium à deditis illi cultoribus profectum, leve esse gratitudinis specimen, nec ulla ratione magnitudini Tuæ maximisque meritis respondere.

Regina actis D. D. Consulibus gratiis, benevolo animo has officiosas patricii Equitatus voces excepit.

*Civium  
centuriis  
sue per Vr-  
bem assi-  
gnatae sta-  
tiones.*

Quæ dum foris geruntur, in Vrbe ex Consulum mandato omnia decenter magnificèque composita fuere. Civium selectorum centuriæ viginti, antiquissima Civitatis præsidia, Reipubl. nervi ac robora, sub suis singulis Ducibus coire jussæ. Cautum id semper providis civitatibus fuit, genitis sibi potius, quam ascitis militibus credere; nec ita fidere externis auxiliis, ut non plus sui roboris suarumque propriè viarium intra mœnia sua habeant. Arma illis diversa, hastæ vel sclopeta majora. Habitus vel pro ordinum ratione, vel ex arbitrio aliis alias. Pectus, tergum, brachia, femoraque ferreo thorace, caput galea tecti. Omnium numerus quatuor facile millia excedebat. His cohortibus suæ assignatæ per Vrbem stationes. Aliæ sub ipsam portam Reginæ adventum præstolabantur, aliæ longo tractu viam omnem, quæ per Aggerem Novum, Forum ipsum vicosque complures in Aulam Principis abit, pulchro ordine hinc inde oppositi tenebant. Quibusdam assignati pontes celebriores tres, quibus Dameracum insternitur, nec non ejusdem cajetæ marginesque. Est illud Aquarium ex Yalumine aut potius Austrini maris sinu intra Vrbem se, usque ad Damensem cataractam, recipientium laxior alveus, navium vectoriarum quæ ad mercatum huc confluere undecunque solent, necnon frumentariarum oportuna statio. Hoc tempore remotis Rectorum imperio naviis omnibus, vacuum locum fecerat adventanti (uti opinio erat) per maritima Galliarum Imperatrici. Quin his ipsis Aquis exhibenda Spectacula sub pontibus occultè asservabantur.

Ædium

Ædium ab utroque Dameraci latere fenestræ & circumfusa tecta magno ære conducta cupidæ plebis desideria arguebant. Verum huic omni apparatu isto & postero die quies fuit, postquam aliud sibi in Civitatem iter destinasset Galliarum Princeps. Producta ex publico Armamentario tormenta bellica juxta Yæ oram, & eminentioribus locis, ac promontoriis disposita fuere.

Ferias & vacationes ab opere tota sibi indixerat Civitas. Non quemquam ætas, non sexus, non negotiorum moles, & rei familiaris cura retardavit, quo minus domo se proriperet & oculos pasceret regio vultu. Mirum quanta confluentis undique multitudo per vicos, plateas, compita fuerit concursatio, virorum, matronarum, puerorum & puellarum. Vidi mus tecta spectatorum pondere laborantia. Vidi mus ex arborum ramis, ex navium antennis non sine discrimine pendentes, quibus locum terra negabat. Exterorum, advenarum, civium & indigenarum par ubique contentio & honestæ curiositatis æmulatio. Vestibula alii, coronas & projecturas ædium tenebant. audaciores fastigia ipsa, lorias & acroteria infederant. erat temeritati locus, ut esset spectaculo. Compluvia præ consendentium frequentia ruinæ proxima fulcris sustentabantur. Fori insuper & theatridia passim erecta recipiendo populo.

Sub horam pomeridianam quintam affulsit Medicum fidus, & Amstelodamense Emporium subiit Regum Mater. comitante eam usque & præcedente Equitum turma. *Hæc cernas præcedentia longi*

*Invenal.  
Sat. 10.*

*Agminis officia & niveos ad frena Quirites.*

C 2

Tunc


Tunc explosæ ex omni Vrbis parte bellicæ machinæ & terribiles balistæ immani fragore de Reginæ ingressu fidem fecerunt. Tot simul crepitantibus tonitruis, tot emissis fulminibus, videre erat aerem flammis undique accendi, cœlum fumorum unda involvi, terram tremore quati & vibrari. Pendentes in turrium sublimibus campanæ grandiores commune gaudium per vicina rura deferebant, minores perjuncto modulamine & concentu suavissimo, populi applausibus accinebant.


Sub ipsum Vrbis introitum & Harlemensem portam, Andreas Bickerus ex Consularium ordine, militiæ Vrbicæ Tribunus, & legationibus apud Poloniæ & Sueciæ Reges clarus, Petrus Reael ærarii publici Quæstor, Gerbrandus Nicolai Pancratius Senator, Iacobus Bickerus Senatus Indiæ Orientalis Assessor, Civium Centuriones, præeunte verba Syndico Cornelio Boomio, Reginam gratulantes accepere. Quæ Syndicus dixit, latinè redditæ hæc sunt :


S E R E N I S S I M A   D O M I N A ,

*Reginam  
affatur  
Syndicus  
C. Boo-  
minus.*

D. D. Consules hujus Reip. militiæ Vrbanæ Tribunum, & ceteros Civium Duces quotquot præsentes adsunt, huc præmisere, eo fini, ut tam de publico gau-  
dio super felici M. V. adventu coram testemur, quam  
” de gloriâ, quæ perpetuo hinc Vrbem Amstelodamen-  
” sem manebit. Insuper ut M. T. rogemus, eo nos hono-  
” re dignetur, uti à Tribuno Centurionibusque M. Tua  
” in Aulam Principis deduci se patiatur : ubi D. D.  
” Consulibus oportunior feliciorque se offeret tuo per-  
” missu occasio declarandi abunde benevolam animo-  
rum







rum suorum propensionem , & ibidem debitâ vene- „  
ratione obsequia sua M. T. nomine hujus Civitatis „  
offerendi. Quamobrem D. Tribunus & Centurio- „  
nes flagranter expectantes, uti M. T. in supra dictum „  
locum se à nobis deduci finat , submisse rogan t uti „  
M. T. hanc benevolentiae nostrae sinceram professio- „  
nem benigne interpretetur, tanquam à M. T. devo- „  
tis cultoribus & humillimis clientibus profectam. „

Regina oblata à Tribuno & Ducibus liberaliter honoris officia, æqua mente, & serena fronte perhumiter accepit.

Atque hinc digressa , media inter pompæ triumphalis, equitum præeuntium, peditum subsequentium agmina , inter stantes hinc inde & cataphractos Ci- Ingressus  
Regine in  
Vibem.  
vium speciosos densosque ordines per plateam , cui à Novo aggere nomen, ad Curiam Forumque perrexit, lentius procedente equitatu curribusque, quibus Illa comitesque vehebantur, ob stupendum & incredibilem hominum accursum , qui viarum non solum spacia obsederant, sed rotis ipsis non sine periculo inhærere videbantur.


Vbi à Foro in arctum cogi incipiunt oppositæ domus, in altum assurgebat Arcus Triumphalis, pulchra & decora specie. In summo fastigio Navigiolum stebat, vetus Sigilli Amstelodamensis character. Ex mali summitate fluebat Vexillum sericeum coloris rubri. Panda navis pars Hollandiæ Comites duos habebat, ad prisci seculi morem cataphractos , quorum indultis privilegiisque fruens hæc Civitas , symbola hæc gratæ perpetuæque memoriæ esse voluit. Appositè Navem sibi vendicavere, qui navium beneficio



totum terrarum orbem permeantium in hoc culmen, in hanc magnitudinem excreverunt, quæ sociis honori, hostibus terrori, longe positis stupori est. Quibus Indum utrumque mercator noster adit & gemino orbi merces infert, compactæ in unum tabellæ sunt. His remotissimarum regionum lucris & commodis fruimur. His Moluccas, & Brasiliam Lusitano & Castellæ Domino procul eruptum ivimus. His tentatæ per Septentrionem & Scythicum mare profectiones celebrem nostrorum fortitudinem fecerunt. Hæ sunt, quæ mari Pacifico & Sinui Mexicano non ita pridem incubuere, & auri argenteique immanni pondere potentissimum Regem exuere. ut meritò Navis insigni gaudeat, quæ navium officio usibusque felicitatem suam & potentiam debet.


*In Arcus  
theatro ex-  
hibita Nu-  
ptia Hen-  
rici IV &  
Mariæ de  
Medicis.*

In Theatro Arcus editiore, primum Spectaculum fuere Nuptiæ Christianissimi Invictissimique Regis, HENRICI IV, Galliarum & Navarræ Regis, & Christianissimæ Reginæ MARIAE DE MEDICIS. Cernas stare illustre & venerabile par, junctis in fidem matrimonii dexteris, ea majestate, quæ Reges, ea venustate, quæ Sponsos, illo vestium splendore, qui terrarum Deos decet. Sic Iovi Iunonem, Peleo Thetidem, Cyro Aspasiam, Augusto Liviam, Honorio Mariam, Constantino Minervinam his ipsis nupturas Principibus adstitisse reor. Stabat pone nuptiarum facer conciliator. Et ne sine Numine res tanta geri videretur, cœlestes Genii supra regales vertices Coronam regiam ex alto sustinebant, ut Deo ipsi, cuius illæ Mentes administræ sunt, placere tantorum Conjugum federa innueretur. Regis caput frontemque laurea redimebat, triumphantium Imperatorum de-

cus.







cus. Cetera totum corpus cataphractus erat, ut constaret, inter hæc ipsa gaudia & nuptiarum festa de regni securitate Regem cogitasse, nec tunc belli necessitate aut Mavortiis curis expeditum fuisse, cum mollem amictum exigeret dicata Veneri celebritas. Nec abit ab historiæ fide hic habitus. Refert enim Thuanus, Regem militari habitu indutum fuisse, cum nuptiarum causa Reginam Lugduni primum accessisset. Ex humero chlamys pendebat, byssso sericoque fulgida, ne à nuptiis nitor omnis vestisque abesset Majestati conveniens. Galeam tot victoriarum testem, toties hostium sanguine adspersam, inter telorum undique ingruentium agmina & nimbos tutam inviolatamque puer armiger gerebat. Reginæ vultum heroica dignitas, gravitas, gratia habebat. Dignitas, quæ Ducis filiam; gravitas, quæ MEDICEAM; gratia, quæ Conjugem decebat. Vestis longum syrma trahens serica & cœrulei coloris Liliis aureis adspersa, futuram Galliarum Imperatricem designabat.

Ad latus scenæ & Regis dextrum Hercules, non Leonis exuviiis, quarum carior annona, sed pelle Libyftidos Vrsæ semicinctus, manu clavam tenebat, qua tot monstra, Hydras, Leones, Tauros, Cerberos, Antæos, Cacos contudit. Non poterat aptior Sponso Regi assignari Paranymphus, quam qui bellicæ virtutis laude, fortitudinis, prudentiæ, constantiæ gloria, tyrannidis pertinaci odio, scelerum averruncatione, libertatis vindicandæ zelo, ἀλεξιππον illum & ἀποτρόπαιον Herculem referret. Ad pedes Herculis demissum scutum Liligéri Regni insignia habebat. Huic se Mars gladium manu vibrans socium præbebat, sine quo numine nec bella suscipi nec confici posse olim credi-

creditum. Nec alienum , Gallici Martis nuptiis Threicum interefesse.

Reginæ latus Paronympha Pallas claudebat , Sapientiæ Dea , quæ Reginis præit , & ad rectè faciendum dicit , ut honesta à deterioribus , utilia à noxiis discernant , & quantum in se est regnorum incolumitati studeant. Hoc conspectu prudentiam M E D I C E A M Regum fortissimo nubere scena loquebatur. Ex hastæ suprema cuspide vexillum fluebat M E D I C E A domus insignia ostentans. Ægis non Medusæ vultu , sed iisdem insignibus inscripta , Reginam illustris familiæ commonefaciebat. Placuit harum elegantiarum industrio inventori, fœdos crudosque vul- tus & vipereum caput avertere ab amabilis Reginæ vultu & nuptiarum sacris.

## I N S P E C T A C V L V M.

**E**N, bellatori nubit M E D I C E A marito.

*Et Princeps Italum nobile fedus adit.*

*Et rutilis juxta fulgens HENRICVS in armis,*

*Hac sibi sceptrorum spem genitrice facit.*

*Herculis hic faciem videas, hic Pallada. quorum*

*Hac regnis mentem commodat, Ille manum.*

*Avenio-  
nensum se-  
ptenarii  
Nuptiis Re-  
gis & Re-  
ginae ac-  
commodati.*

Quia de Nuptiis Regiis sermo est , referam non ut grave ac severum aliquid, sed laboris & industriæ plenum , Avenionenses , tunc cum nuptura Regi Avenionem venisset Regina, in arcibus & theatris septenarium numerum, qui auspicatus & bonæ criseos haberí solet, elegisse , ut Regi & Reginæ & Vrbi multis in rebus convenientem. Nam vii palatia in ea , totidem parœcias , vii monasteria antiqua , vii de- votarum

votarum virginum asceteria , vii ptochotrophia , scholas totidem ac portas esse , Regem tunc septies septem annos natum ; novies septimum repetita à Pharamundo origine numerari : Ad Arcas juxta Die-pam ter vii die vii bris feliciter certatum fuisse : Euriaca pugna in vii agmina quadrata exercitu instructo pugnasse : eam pugnam pridie Eid. Martias , hoc est bis septimo mensis die viciisse : ad Fontem Francicum vii mense anni communis,hoc est Julio, & bis septima hora , hoc est secunda post meridiem , Regem pugnasse , & eodem mense in S. Dionysii templo solenni ceremonia majorum religioni nomen dedisse : Samarobrigam Ambianorum ab Hispanis anno c I o I o x c v i i captam & septenario anni Solaris mense receptam : x x v i i Februarii regia insignia Autrici Carnutum pompa ingenti sumpta , & ter septimo die Iunii pacem cum Hispanis factam : Reginam x x v i i annis natam : Ferdinandi vii ex Austria familia Imperatoris neptem : x v i i triremibus adve&tam advenisse : prætoriam vero x x v i i passus longam , x x v i i utrinque remigum ordines habuisse. Addamus & nos tot septenariis septenarium unum , vii anni Solaris mense Amstelodamense Emporium ingressam esse Reginam.

At gravius de Nuptiis hisce apud Reginam Massiliæ dixit Guilielmus Varius Præses. Adscribam orationem , tanquam futuræ fecunditatis Regiæ præfagam & prænunciam :

Ad optatissimi Galliæ toti adventus tui famam , Christianissima Regina , ecce Themidis adyta , Iustitiæ sacraria & penetralia cuncti deserimus , ut pedibus tuis advoluti , qui alios ad obsequium cogimus ,

D

obe-

*Oratio Va-  
rii habi-  
ta ad Regi-  
nam , cum  
Massiliam  
Regi nu-  
ptura ap-  
pulisset.*

„ obedientiæ Tuæ Majestati præstandæ exemplo præ-  
„ iremus, & fidem voti relligione obligatam hoc longe  
„ honorifcentissimo officio defuncti exsolveremus. in  
„ te tuoque adventu desideria omnia publica , cuncta  
„ vota exhausta , & consumpta sunt , nihilque ad sum-  
„ mæ felicitatis cumulum deest, nisi ut quæ Deus Opt.  
„ Max. bona contulit, propria deinceps faciat, & felici-  
„ tate per te concessa, quam diutissimè fruamur. Rex  
„ nobis contigit, virtute præstans, benignitate admira-  
„ bilis , fortitudine incomparabilis , qui laboribus suis  
„ Regno quietem, periculo proprio securitatem, victo-  
„ riis gloriam conciliavit. verum in tanta seu lætitia  
„ seu felicitate nonnunquam tristis cogitatio subibat,  
„ humanæ conditionis fines à natura præstitutos esse,  
„ nihilque sub cœlo perpetuo durare , & quod cuncti  
„ assiduis votis immortale exoptabant , aliquando desi-  
„ turum. solitudinem vero illam & cœlibatum in quo  
„ Rex degebat, vitam ipfi, quæ cunctis adeo cara erat,  
„ minus gratam reddere , & spem heredis , cui quan-  
„ tum patri debebat, tantum olim debitura esset Gallia,  
„ adimere. in hac futuri anxia cogitatione defixis,  
„ quasi cœlo demissa nobis illuxisti, cunctasque tristi-  
„ tiæ nubeculas vultus tui splendore discussisti , &  
„ tranquillitatis, quâ sub optimo principe quasi preca-  
„ rio fruebamur , solidum gaudium fecisti , spe haud  
„ dubia fore , ut adspirante Dei gratia in familia regia  
„ intermortuæ per tot annos successionis spes per te  
„ renovetur , & digna tanto regno numerosa proge-  
„ nies , quæ patrem virtute, matrem sanctissimis mori-  
„ bus referat , ad regni alioqui nutantis fulcimentum  
„ succrescat. proinde devoti numini Majestatique Tuæ  
„ faustum felicemque tuum ad littus Gallicum appul-  
sum

sum gratulamur. Deumque supplices comprecamur, „  
ut diu apud nos & nobis feliciter regnes : ut sæcu- „  
lum quod nunc ingredimur, cum desinet, te cum Re- „  
ge marito superstite incolumem videat, & quæ ven- „  
tura sunt, beatam tot Regum ex te nasciturorum ma- „  
trem prædicent. magni Regis & cui vix parem prio- „  
ra sæcula habuerunt, uxor venis, magnitudinem Au- „  
striæ familiæ, unde orta es, prudentiam sapientiam- „  
que Mediceæ, unde nomen trahis, tecum in domum „  
eius inferens. vicissim memor esto, idque tibi multo- „  
ties repetitum puta, non solum te ad potentissimæ „  
toto Christiano orbe Reginæ titulos, sed etiam ad „  
beneficentissimæ tot populorum, quorum Rex pater „  
est, matris munus per hoc matrimonium à Deo voca- „  
tam : age ergo, & ut tori consors, sic regiæ sollicitu- „  
dinis in posterum particeps, hanc gloriam occupa, & „  
populos imperio communi subditos, de quorum fa- „  
lute & quiete assiduè Rex cogitat, pari erga Franco- „  
gallicum nomen, cui nunc omine felici inserta es, ca- „  
ritate prosequere, ut leti non solum ipsi tibi serviant, „  
sed vicini eandem felicitatem cum à suis principibus „  
adepti fuerint, eam se tuo exemplo debere fatean- „  
tur.

Exhibuimus Nuptias spectaculo. Nunc ut à spe-  
cie maximarum rerum & fictis imaginibus ad res  
ipsas & vera dramata Lectorem revocem, Nuptia-  
rum modum formamque prout inchoatæ alibi, alibi  
consummatæ fuere, maximi Thuani verbis exponam:

Inter multiplices (inquit ille) instantis belli curas fe-  
rium de matrimonio Regis cum M A R I A M E D I-  
C E A Francisci Magni Etruriæ ducis F. negotium mi- „  
nime intermissum est. prius cum Margarita Hen- „

*Nuptiarum  
descriptio  
ex A. Thua-  
no.*

” rici ii F. & Caroli ix forore ante xxviii annos  
” contractum, cum sententia à Francisco Ioüsa Cardi-  
” nali lata nullum esset declaratum, protinus Nic. Bru-  
” lartus Sillerius, qui apud Pontificem regii oratoris  
” munere fungebatur, Florentiam cum mandatis am-  
” plissimis excurrit, ut conditionibus jam agitatis &  
” conventis Regis nomine subscriberet. postea Rex in  
” Sabaudiam profecturus, speciale mandatum sponsali-  
” tia contrahendi ad Ferdinandum Magnum Etruriæ  
” ducem, MARIÆ patruum, per Rogerium Bellogar-  
” dium magnum Franciæ hipparchum mittit, qui cum  
” xl è nobilitate delecta Massilia solvit, & Liburnum  
” xii Kal. viii br. appulit, triduo post Florentiam  
” ingressus, & à Ioanne & Antonio familiæ Mediceæ  
” naturalibus liberis perhonorifice exceptus. ex Pala-  
” tio Pitiorum obviam ei processit Ferdinandus ipse  
” Magnus Etruriæ Dux cum omni aulico comitatu, &  
” post mutuas salutationes, ac gratulationes, cum man-  
” data quæ à Rege Bellogardius habebat, intellexisset,  
” ambo in Palatum perrexere, & Bellogardius ad M A-  
” R I A M deductus literas ei Regis manu scriptas por-  
” rexerit, & mandata ampliora fidei suæ commissa expo-  
” suit. vi Non. viii br. Vincentius Mantuæ Dux  
” cum Helionora MARIÆ forore, quam in uxorem  
” duxerat, Florentiam venit, & postridie Reip. Vene-  
” tæ orator Petrus Aldobrandinus Cardinalis ad Re-  
” gem legatus de pace destinatus in itinere Floren-  
” tiam divertit, ut nuptialibus ceremoniis Pontificis  
” nomine interesset, iiii Non. urbem solenni pom-  
” pa ingressus, quem ad portam usque urbis Magnus  
” Dux cum magno non solum aulæ, sed universi sacri  
” ordinis comitatu venientem excepit, & ad latus fini-

ſtrum

strum cum eo incedens ad majus templum deduxit; „  
ubi in pedes ambo descenderunt, & post peractas pu- „  
blicas preces in Palatium discesserunt. à cœna quæ „  
lautissima parata erat, ad M A R I A M salutandam Al- „  
dobrandinus perrexit. die sequenti nuptiales cere- „  
moniæ peractæ, ipso Legato sacra peragente, & ad „  
dextram M A R I A , ad lævam Magno Etruriæ Duce „  
Reginæ patruo adstantibus. „

Atque hæ quidem Nuptiæ fiduciariæ fuere. At  
postquam ex Italia in Galliam appulit Regina, &  
Lugdunum venit, ipsa matrimonii solennia Rex ipse  
absque fidejussore explevit. Hic Regina totos octo  
dies Regem, qui ad S. Catharinæ propugnaculum  
profectus fuerat, tandem v Eid. xbris adproperare  
intellexit, & eo die adfuturum. Cœnam temporius  
cum sumisset & in proximum conclave concessisset,  
præstò Rex militari habitu adfuit. Tum celebrata  
denuò Nuptiarum Florentiæ contractarum, solenni-  
tas fuit, frequentissimo principum, procerum & illu-  
strium matronarum, necnon oratorum externorum  
cœtu, cui inter alios Carolus Ligneus Arembergii  
comes, Alberti & Isabellæ Archiducum nomine in-  
terfuit.

Verum ut ad Arcum Triumphalem revertar, Re-  
gina curru in Theatrum obverso, intentissimis oculis  
omnia contemplata, non antè hærere hic desit, quam  
explicatæ cortinæ tantos Conjuges spectatoribus sub-  
duxissent. Hinc per eos vicos urbisque vias circum-  
ducta, quæ & celebriores, & patentiores curribus  
pertransiri commodius poterant. Itum per populo-  
sam & densam mercantium officinis Oletariam pla-  
team, ubi ædium precia immensa, spacia angustissima.

Mixti habitant aurifices, annularii, automatarii, ærarii, gemmarii, scriniarii, coroplathi, quiue Noricas merces distrahunt, culcitrarii, lapicidæ, armorum politores, scandalarii, statuarii, stannarii, thoracopæi, linarii, fericarii, vestiarii, œnopolæ, pelliones, pileones, limbularii, aromatarii, pharmacopæi, cerarii, aliaque opificum & propolarum genera infinita.

Hac progressa pompa triumphalis, inde per vicum Lisdelam, flexoque mox in meridiem tramite, per eam fossam, quæ ob ædificiorum elegantiam Holosericæ nomen meruit, eò loci deuentum, ubi se aperit Sagittariorum platea, ad pontem, cui appellatio ab exoso non Augusto Cæsari, sed Hebræis animali. Hic

*Arcus Triumphalis  
alter Reginam exhibuit sub Berecynthie Deorum Matris specie.*

alter surgebat Arcus, altitudine, forma, picturata fronte adspectabilis. In ejus fastigio grandibus literis scriptum legebatur hoc Maronianum hemistichium, **LÆTA D E Û M P A R T V.** quo ad Reginæ Matris illustres Regiosque Partus alludebatur. Subsistente Regina, & deductis cortinis, Ecce è sublimi ostentum alterum fuit ipsa **M E D I C E A**, quæ ad Berecynthiæ Deorum matris similitudinem, augusto splendidoque currui insidens, habenis suis non columbas junxerat Veneri sacras, non aves Iunonias, non Bacchi Lynces, sed Leones, quos Berecynthiæ proprios esse voluit fabulosa ætas. Equis vœti fuere Romanorum Imperatores, quamdiu stetit Respublica. At erepta libertate, primus Leones, Deorum velut æmulatione, ad currum junxit Triumvir M. Antonius. Vehebatur olim Berecynthia Phrygias turrita per urbes cœlestibus Dîs cincta. Simili vultu Gallorum Berecynthia visa hic fuit, cincta undique & stipata terrestrium Deorum sobole. Anteriore cur-

rus

rus parte sedebat LODOVICVS Iustus, Galliarum Rex, PIUS, FELIX, AVGVSTVS, sedebat juxta IOHANNES BAPTISTA GASTO Celfissimus Aurelianensium Dux. Posteriore currus parte eminebant filiae tres, HENRICA MARIA, quae Augustissimo Britanniarum Regi, CAROLO, Fidei Defensori: ISABELLA, quae Potentissimo Hispaniarum Regi PHILIPPO IV: & CHRISTINA, quae Magno Sabaudiæ Duci Victori Amadæo nupsit. Distinguebantur suis singuli singulæque proprietatum Regnum & Ducatum insignibus. Pari liberorum numero circumfusus Germanicus Cæsar de Cheru-scis, Cattis, & Angrivariis speciosissimè triumphavit: Augebat (inquit Tacitus lib. 11 Annal.) intuentium visus eximia ipsius species, currus quinque liberis onustus. Currum cingebant Virgines quatuor, quae Europam, Asiam, Africam, Americam exhibebant. Singulas mundi partes ex suis erat noscere proven-tibus. Quæ omnia eo consilio ordinata crediderim, ut insidentes materno currui Regem Reginasque, imperium per has ipsas Vniversi partes vel proprio vel maritali jure diffundere, constaret. His versibus ad Deorum Matrem Berecynthiam, & Reginam Regum Ducumque Matrem allusum fuit.

**Q**Valis per Phrygias quondam Berecynthia portas  
Vecta fuit, partu tot celebrata Deum,  
Ingredere auspiciis nostram felicibus Urbem,  
Atque oculos per me fer, MEDICEA, tuos.  
Quos portus, quæ tecta vides, turresque, ratesque,  
Templaque, fortuna sunt monumenta mea.  
Per terras fluctusque vagor, sua munera mundus  
Mittit, & hic precio prostat uteisque suo.

Cesa-

*Casaream felix, ab avo donante, coronam,  
Et decus à vestro sanguine grande tuli.  
Ad Te præteriti redeat nunc gratia facti,  
Et non immemorem, maxima Neptis, habe.  
Sic placui defensa tuo Regina marito,  
Sic nato de Te Rege beata fruor.  
Si majus genuisse Deos, Regesque, Ducesque,  
Jam Matri liceat tot placuisse Deum.*

Ex Curru hujus adversa fronte spectabatur Navigium, Reginæ velut obnavigans. In ejus prora Virgo, Amstelodamensem Vrbem repræsentans, speciosa, elegans, vestimentis pulcherrimis fulgens, prono ad omne obsequium vultu, corporeque nonnihil inflexo, Reginæ reverenter ac demissè communem salutationem votaque publica offerebat. Erant in eadem conspicui Hollandiæ Comites duo, quorum supra facta mentio. Eorum alter hastam manu gerebat, è qua vexillum pendebat Amstelodamensium insignibus intextum.

*Ingreditur  
Aulam  
Principis  
Regina ho-  
spitii sui lo-  
cum.*

Hujus Spectaculi lætissimo adspectu cum se explexset Regina, Aulam Principis, quæ jam in propinquo erat, subiit, profectionis suæ & pompæ triumphalis terminum. Solent hac Domo excipi Hollandiæ Principes & Gubernatores, quoties in hanc Vrbem deflectunt. quod cum accidat rarius, & non nisi destinato; in parte Palatii sedem hic Concilii sui fibi delegere Maris Præfecti, sive Collegium, ut vocant, Admiralitatis, ex Delegatis Federati Belgii constans. quibus tuendi adversus piratas, & præsertim hostes Morinos, Oceani & navigantium securitati invigilandi partes demandatae. Area in medio est spaciofa, quadrata, tessellatis strata lapidibus. Porticus ad finistrum

strum introeunti latus excurrit, in ambulacri usum, a Senatu exstructa Anno c I o I o x c i v , quo tempore, expugnata Groninga, Civitatem hanc triumphans ingressus fuit, illustris memoriæ Princeps, Mauritius Nassovius. Atria, conclavia, coenacula, triclinia habet ampla & magnifica, quibus excipi satis dignè eminentiores Potestates possunt. Et licet Majestati Regiæ augustius & magis regale palatum debebatur, tamen augustius memoria retrò Principum pandere Amstelodamenses non potuere. Fuit hoc Reginæ, quo tempore hic commorata fuit, hospitium. Celsissimæ Auransiorum Principi ædes vicinæ, splendidæ capacesque, mercatoris Trippii patuere. Illustri Culen-burgi Comiti, Domino Brederodio, Sylvarum Hollandiæ præfecto, aliæ alibi habitationes assignatæ. Hortus Sagittariorum ædificio recenti ornatior, iisdem Dominis prandii coenæque ex Consulum instituto locus fuit. In amplissimum cum se Atrium receperisset Regina, aulæis undique suspensis fulgidissimum, in sublimiori sede veluti throno consedit. Theodorus Hasselaer militiæ præfidiariæ titulo Majoris Præfectus, & Collegii Societatis Indiæ Orientalis Assessor, in eâdem Aulæ parte habitans, id negotii fibi dari passus est, ut ea quæ ad Reginæ comoda, securitatem, ac tutelam facerent, procuraret. Qui quam fidem hactenus Vrbi universæ, in præsentiarium Reginæ omnibus modis probavit.

Tum Nobilissimi, Magnificique Reip. Amstelodamensis Consules, Curia egressi, à qua mota vel lætis vel tristibus Vrbe non recedere in more habent, Reginam adiere, una cum Syndicis D. Guilielmo Borelio, & D. Cornelio Boomio, ut adventum Illi

E

S. P.

*Consules  
Reginae ad-  
ventum  
gratulan-  
tur, verba  
faciente  
Syndico  
G. Borelio.*

S. P. Q. A. nomine gratularentur. Ingressi & ad salutationis officia admissi ; his verbis è Gallico sermone versis, eam affatus fuit Guilielmus Borelius, Dominus de Duynbeke, Vrbis Syndicus :

S E R E N I S S I M A P R I N C E P S ,

*Oratio Syn-  
dici.*

Confules ac Rectores Reip. hujus, summâ veneratione Majestati Tuæ officia sua, & devotam voluntatem submissè per me offerunt : & super felici Tuo in Vrbem hanc adventu læti gavisique , in maximâ honoris sui parte ponunt Regiæ dignitatis augustam præsentiam. hic ut morari dignetur M. T. & Civitatis, si qua tanto fastigio digna reperiri possint, comodis frui, serìò rogant obsecrantque. quin hoc nomine se M. T. debere fatentur , & Regalis Tui vultus splendore Emporium hoc irradiari, gloriæ suæ deputant. Si oculis usurpare & perlustrare illud non gravabitur M. T. Vrbem spectabit , quæ inter longi belli aspera non solum infracta stetit , & pristinum decus integra servavit ; verum grandibus insuper incrementis aucta D. D. Ordinum cura , Regum fœderatorum ope, Vestræque M. favore & gratia major ornatiorque evasit. Quo beneficio cum M. T. obnoxius sit Status hic in universum, privatim vero hujus Vrbis : nequaquam se iis officiis, quæ M. T. præstari præsens occasio finit, tantorum meritorum sumمام adæquasse , sed longè infra illa se stare libens agnoscit. Augustissima Domina, Reges Principesque Supremum Numen imitari habent, cuius in terris vicem sustinent. pro maximis assiduisque beneficiis, sinceræ voluntatis ac pronæ gratitudinis studia acceptant.

ptant. hæc ipsa Domini mei illibata & nunquam in- „  
termoritura M. T. despondent & devovent : & ut „  
Regio Tuo favore Remp. hanc porro prosequi ac „  
tueri digneris , omnibus votis flagrantissime conten- „  
dunt : & quidquid officiorum præstari M. T. potest, „  
eidem humillime & prolixo deferunt. „

Ad hanc Syndici Orationem placidè respondit *Reginae re-  
sponsum.*  
Regina, gratias se agere Civitatis hujus Rectoribus,  
pro officiosa & plena erga se tam benignæ voluntatis  
significatione : multis se retro annis hoc in votis  
quam maxime habuisse, uti celeberrimi hujus Empo-  
rii conspectu frueretur proprius. jam tempus se na-  
Etam, occasionemque lustrandi Vrbem, & coram stu-  
diosius videndi, quidquid in ea visu rarum eximium-  
que esset. iterumque gratiis actis Rectoribus Domi-  
nisque hujus Reip. gratissimam sibi hanc esse tam be-  
nignæ erga se humanitatis testificationem, plenis be-  
nevolentiae vocibus significavit.

Hinc digressi Consules, Celfissimam Ameliam, Prin-  
cipis Auriaci Conjugem , fidam Reginæ asseclam  
adiere , & gratulatione ibidem ac salutatione defun-  
cti, in Curiam se recepere , ut ea curarent providè,  
quæ ex Reginæ essent & Reip. honore. Mos est, ut  
dispositis per castra & oppida excubiis , tessera , five  
Vox detur vigiliarum præfectis. Illam dare in castris,  
Imperatoris est , in civitatibus , Consulum. Verum  
hanc dignitatis & supremi juris prærogativam Regi-  
næ detulerunt, quæ dum hic fuit, Voces dedit in fin-  
gulas vesperas, & primam quidem M A R I Æ. Voluit  
prudentissima Regina nomen suum commodare cu-  
stodiæ & securitati Civium , quorum propensissimos

erga se animos tanto concursu , tot gratulationum ,  
gaudiorum & festivitatum studiis experta fuerat.  
quin leve putavit , vocis arcano tueri Remp. cuius  
causa quidvis vellet. in votis habebat futurum , ut  
non M A R I Æ nuda recitatio, sed M A R I A ipsa Se-  
natus , populi, mercantium honori, felicitati & utili-  
tati aliquando consuleret. Huic jam quies erat intra  
Aulæ parietes , sed nondum Equiti nostro , nondum  
militaribus Civium copiis. quo exceperant Regi-  
nam ordine, quo per Vrbem deduxerant, quo comi-  
tati currum fuerant, Aulam præterequitans ille, præ-  
tergressi hi, non nisi sero vespere magnificæ Introdu-  
ctionis finem fecere. Cives hic illic igneis missilibus  
in sublime jactis , tenebris noctique lucem , privato  
quisque affectu , fœnerabant. quæ licet summarum  
ædium & turrium fastigiâ æquarent, infra tamen Ma-  
jestatis suæ gloriam famamque attollebantur. Solùm  
resolutus à meridie in pluviam æther queruli sermo-  
nis nonnullis materiam subministrabat. Erant, ut in  
divinationes prona sunt mortalium ingenia , qui mi-  
nus auspicatam pluviam interpretarentur. contra  
qui optima in spe habent, non tristitiae & doloris, sed  
lætitiae bonique ominis prodigia cœlo portendi dice-  
bant : fulsisse hoc die Solem, flasse leniter Zephyros,  
impulsum sine procellis Neptunum assurrexisse Gal-  
lici maris Dominæ, Yam Amstelamque læto murmu-  
re ripis adstrepuisse , Vulcanum è machinis bellicis  
ignes suos evomuisse, tormentorum fragore concus-  
sam Tellurem : Non potuisse non etiam Iunonem,  
quæ aër est, in partem venire communis gaudii , nec  
aliâ illam ratione gaudium testari potuisse , quam si  
coactis , quibus imperat nubibus , in pluviam illas re-  
solvat,

solvat, & fœcundis imbribus in terræ gremium descendat. Dicebant alii, Berecynthiæ in foro Currum parari, hanc terram esse, quæ nullo beneficio magis, quam pluvia, post serenos Soles gaudeat. Dicebant fastidiosè graves, magnis voluptatibus comitem ire dolorem, tristia misceri lætis, secunda adversis castigari: quasi vestium splendorem cœlesti madore adsperti grave foret iis, qui animas pro Patriæ & Reip. salute devoverunt.

Sequens proximè dies lustrandæ Vrbi impensus fuit. Ejus Rectores Reginam à meridie in Domum Societatis Indiæ, quæ ad Orientem mercatur, deduxere. quò officiosa Præfectorum ejusdem Societatis humanitas illam benignè invitaverat. Ædificium amplum est & spaciosum. Receptacula habet, in quibus Indorum aromata, piper, nuces myristicæ, cariophylla, casia, macis, aliaque ejus generis aëri exponi & insolari commodè possunt. Porta, area, atria, conclave magna omnia & splendida. In ipso Præsidum triclinio, ubi convenire solent & consilium de rebus suis habere, picturas cernas exoticas Chinensium, Iaponensium. Pendet magna Bataviæ Civitas arce sua terribilis & inaccessa. Pendet Iaponensium Regis Aula, cui parem non habet orbis, precio, amplitudine, robore. Pendit circum Insulæ Moluccæ, arces, sylvæ aromatiferæ, oppida, portus, nostri sub alio Sole dominii. Pendit Sinarum populis proxima loca, favoris Belgarum apud longè diffitos documenta. Arma exotica, hastas, sarissas, secures, scuta testudinea parietes habent. Tabulata & contignationes in longum latumque expansa, suisque cancellis distincta, gemunt sub pondere. Hic acervos cu-

*Regina Do-  
mum Socie-  
tatis Indiæ  
Orientalis  
lustratum  
venit.*

mulosque spectes ferici facti infectique. Hic aliorum aromatum conditoria & proprias stationes. alibi succi, gummi, & tinctorum terræ suis singula locis stabulantur. **Quicquid** horum Moschus, Sarmata, Cimber, Germanus, Gallus, Italus, Afer, Græcus, Belga in usus suos convertit, hujus Domus mercimonium est. Instar marini æstus accedunt alia, alia recedunt. Porcellana vasa, quæ veterum Myrrhina esse Scaliger & Cardanus credidere, genus fictilium preciosissimum, gratissimumque huc quotannis majoribus navigiis inferuntur. Ac de his navigationibus, quod de victoria illa Mithridatica Pompei Magni olim Plinius, non immeritò quis dixerit, ea præcipue ad margaritas gemmasque & transmarina ista utensilia mores inclinasse. Hujus Domus Societas parvis principiis nata, hodie in eam, Dei beneficio proiecta est fortunam, ut quotquot fortis suæ symbolam primum contulere mercatores, jam illam quadruplaverint. Hæc ipsa suis opibus militem conscribit, exercitus colligit, castra figit, movetque, bella in alio orbe gerit, urbes expugnat, insulas subdit, classes adornat, terris, fretis, portubus Castellæ Dominum exuit, patriæ labores, alibi atterendo Hispanorum vim egregiè levat, denique ea agit perficitque, quæ à magnarum Potestatum conatibus non longè abscedunt.

### In Domum Societatis Indiæ Orientalis.

**F**Ecit iter Fortuna mari, pervenit ad Indos,  
Et procul Eoo fixit in orbe pedem.  
Memnonia patuere Domus, patuere Moluccæ,  
Regnaque federibus tot sociata novis.

*In tha-*

*In thalamos Aurora tuos jam classibus itum est,*

*Et Batavos alibi, tectaque nostra vides.*

*Non satis est vicisse domi. cum Sole vagamur,*

*Et tanto volupe est vincere teste foris.*

*Sint vestra merces Indi, sumus horrea Belgæ.*

*Quas Oriens fruges parturit, Arctos habet.*

*Servat hyems merces, quas torrida coxerat astas,*

*Et calidum gaudet mandere bruma piper.*

*Mittunt thura Arabes, permutant serica Persæ.*

*Et spaciosa suas Java ministrat opes.*

*Parthica distentas onerant velamina puppes,*

*Poculaque Sinarum carbasæ plena vomunt.*

*Ostia quo fundit Ganges, tot navigat unus*

*Amstela, & extero sub Jove bella gerit.*

*Lucra sinus omnes nobis atque aquora pandunt,*

*Inveniunt quovis littore lucra viam.*

*Hesperio cum Rege solum partimur & undas,*

*Et formidati frangimus arma Tagi.*

*Qui dubitas, castella, domos, arcesque tuere,*

*Atque alio patriam crede sub axe dari.*

*Sic aliis aliis populis divenditur orbis,*

*Totaque se vendens machina, rursus emit.*

*Quæque ferax longè spatiis immanibus Eos*

*Colligit, in Batavis continet una Domus.*

Subeunte Domum Regina per instratam pulchrioribus pannis aream, ecce in patenti Atrio, Epulum apparaverant Societatis Præfecti, non in palati solum, sed & oculorum nariumque oblectamentum. Potuisset Regum luxus sumptuosiore Illam mensa exceptisse, at non aptiore Domus Indica. Ea quippe apposuit, quæ Indorum propria sunt, soli istius terræque nativas dapes vel quasi dapes.

*Ferculum  
ex merci-  
bus Orien-  
talibus Re-  
ginæ appo-  
situs.*

Fuere

Fuere in veterum deliciis pavus è Samo , attagen Ionicus, grues Melicæ, hœdus ex Ambracia, pelamis Chalcedonia , helops Rhodius , scari Cilices , conchylia Lucrina , murenarum lactes, nulli Massilienses, phænicopterorum linguæ. Harum lautitiarum & cuperiarum nihil hic. Persarum , Arabum , Moluccarum , Iaponensium , Sinensium dona , segetesque habebant capacissima & panda Porcellana , quæ docto ordine longis mensis disposita rei novitate affiebant Reginam. Erat pro ferculo piper rotundum oblongumque, sua specie adspectabile. Macis & Nuces myristicæ triplices , aliæ involucris suis inclusæ , aliæ foliis macidis te&tæ , aliæ conditæ , Moluccarum proprios proventus & benignitatem prædicabant. Cinnamorum & casiae ligneæ fistulæ decussatim in altum aggestæ Auroram matrem fatebantur. Cariophyllum acervus , ferici rudis & nondum elaborati fasciculi, Persidis & Chinæ labor è patinis alte assurgebat. Borax candore oculis , Benzoinum nidore fragrantiaque naribus lenocinabatur. Muscus, Styrax, santalorum ligna & tinctorum terræ , suis quoque exhibebantur lancibus. Erat adhæc inter visus obsonia Draconis sanguis concreto succo rubens , etiam tabellæ ex macidis succo, & Gutta gamba, flavo colore reliquis intermicans. Sabæorum thus & myrrha , Diis sacra odoramenta , Galliarum Numini pro libamine erant. Cubebæ & Rheum officinarum & nata in cannis præcelfis sacchara , & pulveris tormentarii terribilis materies, sal petræ, sive nitrum, suis locis disposita. Etiam gummi lacca , & apum labor cera , & magni precii olea è macide & nucibus myristicis , & zingiber non conditum & sacchari conditura pellicens obsonium faciebant.

Erra-

Errabant MEDICEÆ oculi, quæ peregrinarum & insolitarum epularum fruens conspectu & attactu, cum Indis se, Moluccensibus, Persis, Arabibus, Iaponensibus, Sinis convivari jucunda animi agitatione putabat. Sordebat præ his diaria & consueta, phasiani, scarorum jecinora, perdices, sumen apri, & quicquid exquisitissimorum ferculorum largissimo sumptu in gulæ gratiam arcessunt delicati & fluentes. Non hic Afinii Celeris, aut Apicci, aut Claudii, aut Caligulæ, aut Cleopatræ portentosæ cupiditati lita-  
tum fuit. Non ad mensam flagitati remotorum littorium pisces, peregrini aëris volucres, alieni temporis flores. non hybernæ poculis rosæ innatabant, non æstiva in gemmis capacibus glacie falerna frangeban-  
tur. Omnia citra luxum, citra profusionem ea solum ostentabant, quæ mercatu annuo ex Oriente huc de-  
ferri confueverunt.

In Ferculum Orientalium mercium  
Reginæ Matri paratum.

**V**Idit, & insolitas mirata est Regia mensas  
Mater, & Eoas attigit ore dapes.  
Stabant antè oculos messes, quas miserat Indus,  
Quas dederant Persæ, quas preciosus Arabs.  
Delibat MEDICEA suis fragrantia cannis  
Cinnama, & externo fercula missa solo.  
Adspicit Aurora segetem, thus, balsama, myrrham;  
Et spaciis Superum munera stare suis.  
Hæc oculis placuere magis, magis illa palato,  
Gustus, odor partes hic obiere suas.  
Talia non posuit Thetidi convivia Pelens,  
Non epulis istis accubuere Ioves.

F

Non

*Non hæc adspexit Latium, cum vīctor ab hōste*

*Romulidūm intraret mānia Cæsar ovans.*

*Tunc aliquis dixit secum: quæ fercula Kόσμος*

*Hic parat, hæc Cōsmī filia grandis edit.*

Regina quædam gustasse, quædam vidisse, contenta, cum sibi perplacuisse hunc exoticarum mercium & deliciarum apparatus liberali oratione significasset, actis gratiis, à Reip. Consulibus, per spaciousam Vrbem cum universo comitatu circumducta fuit.

*Regina Vr-  
bis præci-  
pua loca  
lustrat.*

Vidit ædificia palis stipitibusque fulta, & ex ipsis altè educta paludibus, ut non minus hæc, quam Venetiæ aquis innatent. Vidit labore & industria cogi in obsequium terram, & invitam eas moles portare, quas sibi relicta funditus absorberet. Adspexit dilatata non multis abhinc annis immani spacio pomœria veteris Civitatis ambitum adæquare. Vidit fossarum & eam fluminum instar interfecantium amplissimos, & vehendis quaquaversum mercibus aptissimos alveos. Per Regiam fossam, sive Cingulum, mox Dominicam, inde Cæsaream fossam vœta, ædes ubique conspexit mira felicitate ad omnem negotiationem, varietatem, splendorem, factas; ingenio plurimum in iis naturam superante, quæ in longissimum non raro prospectum, & qui cujusque oculos effugiat, protenduntur. Stupuit ad Cæsareæ fossæ conspectum, cui persimile tota Europa, si exteris fides, non habet, sive in ædium longam continuamque seriem, sive in earum ad ostentationem, pulchritudinem, decus, & habitantium commoda comparatas fabricas, sive in frontispiciorum, vestibulorum, fastigiorum formas, vario opere interludeente Toscano, Dorico, Ionico, Corinthio, sive in pontes lateritios aquis intermean-

tibus

tibus instratos , sive in arborum ædibus oppositarum pulcherrimos ordines, aciem intenderet. Vedit Deo sacras ædes & templa , non veteris seculi , sed superiorum annorum opera, ne jam pietatis studia exolevisse credant, quotquot illa in majoribus nostris meritò admirantur. Fuit , ubi cataractas vedit maris fluminique repagula, & cum res exigit, emissaria, quibus Oceano catenas injicit, & obices ponit vis solertiaque mortalium. Fuit ubi turres adspiceret , vel in media Vrbe , vel ad fluminis ripam Pharorum instar exsurgentes, tanta pelluentes amœnitate, ea superstantium columnarum varietate , ut dum Solaribus transverberantur radiis , luci quavis parte viam prospectu præbeant lætissimo. In turrem Templi Occidentalis oculos convertens, in summo ejus apice Coronam Cæsaream vedit , abavi donum , & liberalitatem suorum in cœlum attolli à grata posteritate conspexit. Occurrere obeunti navium stationes plurimæ, per fossarum alveos sparsæ, Londinensium, Rhotomagensium, Rupellanorum, Hamburgensium , Lubecensium, Antwerpensium, Harlingensium, & aliorum sine numero. Vedit lignorum omnis generis, trabium, asserumque sectilium strues longissimis spaciis extendi , quæ ex Sarmatia , Livonia , Bergis , etiam è Bructerorum & Cheruscorum silvis huc advectantur. quorum vel ad ædificiorum , vel classium fabri- cas , vel ad aggerum munimenta adversus maris Austrini furores quotidianus usus est. Occurrere fora, venditionibusq; dicata loca, navalia etiam, ubi quassæ rates reficiuntur, vel novæ conficiuntur. Vedit densa domiciliorum agmina non ad habitationem, sed mercium omnigenarum custodiam facta , ubi elephanto-

rum dentes in montes aggesti , ubi balænarum & ceterorum arvina ignibus excocta , ubi Brasiliensium nemora, ubi Tabaci contorta in cylindros pondera, ubi boum caprarumque exuviae, Eburonum metalla , ubi æris Gothici laminæ asservantur. Prætervecta fuit vitrorum officinas , ubi æterni ignis materia fornacibus liquefacta nunc flatu , nunc torno figuratur : alia argento , alia auro incrustatur ad quemcunque usum , etiam ad escaria vasa. Non placuit olim Tiberio principi hoc vitri flexibilis temperamentum , qui, ne pretiis aliorum metallorum detraheretur , officinam tanti inventi matrem abolevit. Opportunum fuit hæc adspectasse vel in transitu Reginam, quæ hoc Amstelodamenis Amaltheæ cornu suo quoque studio , & prono in mercatores nostros affectu adauxit. Nec indignæ etiam regali meditatione opes tantæ , ut in Deum authorem, & beneficium earum largitorem secundæ ab illo in terris mentes reflectantur.

*Domum  
Societatis  
Indiae Oc-  
cidentalis.*

Hac ipsâ periodo visa Reginæ Domus Societatis Indiæ, quæ ad Occidentem militat & mercatur , portis, tectis, gradibus, mercium receptaculis, atriis, concavibus, vel speciosa , vel spaciofa. Estque hæc illa Domus , quæ Occidentem adiri & vinci posse prima docuit : quæ, dum domi terris nostris oppidisque hostis incubat, Africani exemplo , hunc ipsum foris attterit & fatigat. hæc veteri Orbi pacem quærerit, dum novo longioris belli alimenta subducit. hujus ductu urbes maximas ultra Tropicos & Æquatorem vici- mus , vietas Dei præsidio tenemus in hunc diem. quod portus Brasiliæ, quod flumina, finus, castella , promontoria , insulæ , faccarorum molendinæ nostra sint, huic debet Patria. hæc Nassovios duces , mili-

milites , arma , bellicarum navium classes , felicissimo successu, in ignotas priscis terras mittit, urbem S. Salvatoris audaci Marte expugnavit, naves hostium exussit & diripuit, de Olinda ejusque arcibus triumphavit , longoque jam tractu Brasiliam suam fecit. hæc ipsa Mexicanam classem, auro, argento, mercibusque pretiosissimis gravem, non magno molimine, duce Petro Heynio, ad Cubæ littora superavit, & aureum vellus , principibus Europæis formidabile , non in Græciam, sed Fœderatorum terras, nullo hactenus exemplo, transvexit. hujus auspiciis aliud Belgium ultra mare inhabitamus, alios illic Batavos compellamus. auriferos Afrorum portus & littora possidemus, ut duabus Societatibus innixa Respublica , imperium cum Sole quaquaversum diffundat.

Fuit, cum in foro staret Regia Mater , spatio capacious , quod Damum vulgo nuncupatur. eo quod aggeris atque intersepimenti vicem Amstelæ ac Yæ fluentis præstet. Lunari die mercatu fervet , ceteris diebus mercatorum deambulationibus frequentatur, ad exemplum Romani istius , de quo Plautus : *In foro infimo boni homines atque dites ambulant.* Occurrere hic spectanti CVRIA five Senatoria domus , & LIBRA . illa sola antiquitate venerabilis. reliqua Vrbis opera nova nitent pulchritudine. hæc senio suo & minantibus ruinam parietibus commendabilis. quæ nulla non sui parte fulget Civitas , hic veterem simplicitatem præ se fert. quæ decus, amplitudinem, robur largitur toti , sibi negat. labitur hæc , dum novæ passim surgunt structuræ , & quæ prima de Amstelodamensium splendore cogitavit , ultimas curas sibi servat. mavult consiliis prodeesse publico , quam sibi

nitorem querere. arctis spaciis clausa diffundit pomœria sua; habitant angustè Senatores, quorum moderamine navigatur longissime. passibus mensuratur Domus, cuius vix ullis finibus circumscribitur negotiandi felicitas. non vult esse conspicua suis, quæ exterorū in admirationem traxit. non impendit sibi argentum & aurum, quod, ut Civium peculium, studiose affervat. Visa quoque hic LIBRA, ædificium opere elaboratum, formâ quadratâ, peristiliis loricisque ad ambulacri usum altius circumductis. fores habet quadrifariam patentes, quæ quatuor mundi plagis respondent. in singulis magnis minoribusque lancibus ponderantur merces, quibus circumfusa quotidie, vix officio suo par est. ex eâ maxima vectigalia ærario Vrbis, provinciæque accedunt. adspexit LIBRAM hanc MEDICEA, eo die, quo Libræ mensem ingressus fuit Sol: & quanquam Florentinorum augustis Palatiis minor sit, quæstu tamen annuo locupletiorem domum totâ Europâ confpici vix crediderim.

*Mercato-  
rum porti-  
cum, quam  
Bursam  
vocant.*

Cum pontem transiret, ex coctili lapide factum, qui Amstelæ ripas jungit, incurrit in Regios oculos mercatorum augusta porticus, quam BURSAM vocant, eleganti & operosa structura. fornicibus tota moles incumbit, superiora operis columnæ marmoreæ quadraginta validè portant, ut ne dissolvere sæcula compagem videantur posse. Ambigas, ingenio, an sumptu, an utilitate major. Officinis inferioribus, quæ plateas & Amstelam spectant, viginti sex cingitur; at quæ per gradus ascenditur, stationes aperit & vendentium capsulas plurimas, quæ centenarium facile excedunt, ubi merces omnimodæ pulchriores, exoticæ, domesticæ, natæ vel factæ veneunt. Hic mutuis


mutuis contractibus venditur Orbis, hic emitur. hic de preciis rerum, permutandis mercimoniis, onerandas exonerandisque navibus, de ponendâ in usuram, remittenda aliò, repetenda aliunde pecunia omnis sermo. Ferunt prisci seculi narratores, fabricas septem pro miraculis habitas : Ephesinæ Dianæ templum, Regis Mausolei monumentum, Colossum Rhodium, Iovis Olympici simulachrum, Cyri Medorum Regis domum, Babyloniæ muros, Ægyptias pyramides : sed non illa ulterius præcipua putavit MEDICEA, ut quæ in una Vrbe tot stupenda conspexerit. Habuerunt honores, quia præcesserunt tempore, & in rudi seculo quicquid emersisset novum, jure ferebatur eximum : Nunc tota Vrbs miraculo affinis visa fuit, vel ob hoc unum, quod quæfito per artem fundamento, septemtrionalium sylvis tota innixa & superstructa, in hanc pulchritudinem, majestatem, decus assurrexerit : infernè humilis, superne sublimis : inferne paludosa, superne sicca & nitida : inferne sublicia, superne marmorea & lateritia : inferne instabilis, lubrica, fugiens ; jam adactis in fundum nemoribus, infra supraque stabilis & immota.


*Invertas, sit tota nemus, quo condita fundo est,  
Nuper Hyperboreo pinus in orbe fuit.*


Dies Veneris novis Spectaculis super aquas Amstelias exactus fuit, eo Vrbis loco, qui à cataractæ Damentis Meridionali parte, vulgo *Rockin* appellatur. Etenim Amstela Civitatem ab Austro subiens, & ad Dami usque cataractam recto cursu procurrens, per eandem in Dameracum effusus, Aquilonem versus Yæ miscetur, Vrbemque in Vetus ac Novum latus mediis dispescit. Meri-

*Insula aquis  
Amstelis  
innatans,  
cui Arcus  
Triumphales  
super-  
structi.*

Meridionalis Amstelæ pars duobus intercepta pontibus, spatium fecit rerum novarum sedulis procuratoribus & cupido spectatori. Novi Arcus Triumphales, integræ Domus forma, unius noctis opus, in Insula stetere, quæ mira celeritate sesqui ab Urbe miliali, è locis uliginofis, & paludosifis, ruricolarum ope translata, aquis innatabat, ceu Delos altera, aut Samos, aut, Neritos ardua saxis, gramine, juncis, arundinetis circumvirens vernansque. Fronte geminâ, hinc Meridiem, hinc Septentrionem dicta Domus spectabat, ut adventanti Reginæ utrâque sui parte novam exhiberet Scenæ faciem. Præcedens unus & alter dies Terram Regiæ Majestati famulari vidit; hic Aquas obsequio ejus devovit: tum curribus itum per Urbem; nunc phaselis, myoparonibus, lusoriis navigiis suæ concessæ partes: tunc vagus fuit spectator; nunc vel in Telluris ripa fixus, vel in Aquis mobilis vagusque: tunc visa Urbis præcipua; nunc quæ Reginam, Etruscos, Gallos proprius concernebant, Spectacula. Confluxerat in angustias tota Civitas, & diffusus per amplissima pomœria Civis vix altero stadio claudebatur. Stabant in ripâ densa virorum, feminarum, puerorum & puellarum agmina. Stabant mixti indigenæ & exteri, mercator & proxeneta, dis, pauper, Gallus, Belga. Bructero Frisius, Sicambro Mattiacus, Cimber Sueco, Cattis Saxo inerrabat. omnibus idem fervor videndi insolita. Pontes oppleti spectandi veniam, sed grandi pretio, faciebant. domus circumpositæ non homines singulos, sed hominum examina & exercitus per fenestras ostentabant, nec gratuito ubique indultu. arborum summa infimaque agiles corpore conscenderant. Erant ex Neptuni filiis, qui palis







palis, quibus rates in aquis alligari solent, singuli insinuatis brachiis infidebant, corpora miro artificio librantes, ne hinc vel illinc dispari gravitate delaberentur. domorum apices, canales, turrium peristyla, semistructorum ædificiorum plana, fumorum emissaria plebes habebat: & licet ingressus in hanc Amstelæ partem concessus cuvis fine discrimine non fuerit, irrepere tamen cymbulæ complures vectoribus onustæ, quæ ad margines Amstelæ futurorum desiderio tenebantur. Totum inter pontes duos interjectum spaciū pro illustri erat Amphitheatro. Fertur dixisse Regina, se neque in Italia, neque in Galliis, ne quidem Lutetiæ Parisiorum, urbe populosissima, tantam mortalium vim, loco tam angusto coactam conspexisse.

Transiverat cœli medium Phœbus, cum Gallorum fulgida Phœbè populo Amstelodamensi denuo illuminit. Vehebat Illam cum Principe Auriaca, Prætore, Consulibus navigium splendidius, tegumentis & tapetibus magnificis insigne. aliæ celoces Senatores, Scabinos, Admiralitatis dominos & selectiores Ci-vium habebant. Tum laxatæ cataractæ duæ ex adverso oppositæ. Vna, *Gremenæsia* dicta, Reginam in Amstelam exposuit, quâ adnavigante, ecce altera, *Boaria* nomine, apertis valvis foribusque Neptunum aquis innatantem, Reginæ in occursum, procelloso ac præcipiti aquarum lapsu effudit. Currus concha erat, aptum Deo maris vehiculum. Illi equos marinos in pisces desinentes squamosis pedibus, capite dorsoque supra aquas eminentibus, junxerat artifex manus. in ipsa concha maris Deum cernere erat hirsuto & capillis canis circumfuso capite, rigente horrida & spumosa

*Neptunus  
aquis innata-  
ns Regi-  
ne in oc-  
cursum  
procedit.*

G

barba,

barba , tridente terribilem , vultu grandævum tetricumque , membra nudum , qui protensis in longum frenis equos moderabatur. pone Neptunum in ipsa puppe Mercurius sedebat, Mercurialium præses fautorque; fandi, mercandi, peritissimum numen. Pileus illi ex more aliger erat. dextra caduceum exporrigebat , Quo

*animas ille evocat Orco  
Pallentes, alias sub tristia Tartara mittit.*

Ad latus ligneis capsulis humeros tenuis inclusæ Najades quatuor, corollis viridibus , ex alga, musco, foliis & floribus frontem cinctæ, Europæ, Asiæ, Americae, Africæ imaginem exhibebant. singulæ brachiorum arcto complexu Amalhæum veluti cornu gerebant , propriis quatuor mundi partium donis instrutum. Ad proram conspicua erat Virgo elegans, Amstelodamum referens, quæ inclinato reverenter corpore , Reginæ adventum gratulabatur. Conveniens Reginæ creditum fuit hoc Spectaculum , quæ Sobilis non unius imperio, non uni mari imperitabat. conveniens quoque Vrbi, quæ Deo Opt. Max. vero maris Domino fortunarum suarum principia , incrementa, vigorem soli debet.

In

## I N

Neptuni, Mercurii, & Virginis Amstelo-  
damensis aquis innatantium

S C H E M A.


**N**eptunus ille, quem videtis fluctibus  
 Tolli severa fronte, canis horridum,  
 Sævum tridenti, maximi Deum maris,  
 Cujus marina monstra currus ductitant,  
 Hinc inde lusitante Najadum choro.  
 Et ille puppi celsus eminens nepos  
 Atlantis, artis arbiter mercantium,  
 Fandi peritus, emptor idem & venditor,  
 Nunc sortis author optima, nunc pessima,  
 Anceps favendi : Quæque Virgo pulchrior  
 Vultu decenti flectit obvium genu:  
 Grauitur omnes Galliarum Numini,  
 Pronisque votis Principi se devovent.  
 Neptunus offert cœrulas Ponti vias,  
 Facilesque fluctus, strata ventis aquora,  
Quæ filiorum sceptra jus exporrigunt  
 Gallus, Britannus, præpotensque Cantaber.  
 Tegeaus iste priscus interpres Deum,  
 Urbem Parenti Liliisque consecrat.  
 At Amstelis virago Neptuno suo,  
 Cyllenioque nixa, mercantes Deos  
 Subdit coruscæ PRINCIPI, hanc ipsam D E O.


G 2


Hinc



*Nuptie  
Francisci  
de Medi-  
cis, & Io-  
annæ Au-  
striacæ.* Hinc ad Insulæ partem Borealem se applicuit Præ-  
toria, quæ Reginam vehebat, ubi primo exhibitæ Nu-  
ptiæ FRANCISCI DE MEDICIS, & IOHAN-  
NÆ AVSTRIACÆ, patris matrisque MARIÆ  
DE MEDICIS, adspectante Augustissimo Impera-  
tore FERDINANDO, MEDICEÆ Avo. FRAN-  
CISCO huic COSMVS Pater, qui ex duce Flo-  
rentino primus Etruriæ Ducatum adeptus fuit, suf-  
fragante PIO V Pontifice, ut ex ea familia pater-  
num genus trahat, cui facem prætulit COSMVS  
MEDICES, Pater Patriæ decreto publico vocatus:  
cui non indecores rexere PETRVS MEDICES,  
Patriæ virtutis æmulator, & LAURENTIVS Ma-  
gnus, & frater IVLIANVS populari favore Prin-  
ceps juventutis dictus. ut nihil de JOHANNE &  
IVLIO MEDICEIS dicam, qui ad Pontificatus  
dignitatem evesti, alter LEONIS X, alter CLE-  
MENTIS VII nomine, MEDICEAM stirpem sa-  
cro suis diademate illustravere. JOHANNA AV-  
STRIACA, Mater, laudatissimo Imperatore FER-  
DINANDO nata, Avo PHILIPPO AVSTRIACO  
Hispaniarum Rege, Proavo MAXIMILIANO glo-  
riatur. qui MARIAM, CAROLI Audacis Filiam,  
Provinciarum harum hæredem unicum, matrimonio  
sibi junxit. Fuit MARIÆ inter proavunculos CAROLVS V Imperator, universi Belgii Princeps ac  
Dominus, belli fortuna, peritia, animi magnitudine,  
celeritate res magnas conficiendi, prudentia in peri-  
culis super omnes qui arma tractarunt. Istis paren-  
tibus prognatam MARIAM Etruria dedit, vario  
olim numinum cultu celebris, è qua Populus Roma-  
nus in suos mores & civitatem, fasces, trabeas, sellas  
curu-







curules, annulos, phaleras, paludamenta, prætextas, ornamenta triumphalia, togas pictas palmataisque traduxit. Nec enim alibi fas erat nasci Imperaturam latè Principem, & tot Imperatorum Matrem, nisi unde decora & insignia, quibus Imperii dignitas emicuit, petere non erubuit Imperatrix Roma.

## In Nuptias

FRANCISCI DE MEDICIS,

Magni Etruriæ Ducis, &amp;

IOHANNÆ AVSTRIACÆ

FERDINANDI Imperatoris FILIÆ.

A VSTRIACE vultus, & te, FRANCISCE, Theatro  
Sistimus, & Batavis fædera prisca damus.

His nati rexere Duces, MEDICEAQUE late  
Lumina conjugiis emicuere novis.

Hac inter MARIA est, raro que munere Divum,  
Non nisi per Regum nomina Mater abit.

Hoc demum est peperisse; Orbi donasse tiaras.  
Sic sua stant regnis robora, sic thalamis.


*Donatio  
Coronæ  
Cæsareæ  
Amstelodam-  
mensium  
Vrbis facta  
à Maximili-  
iano Impe-  
ratore.*

Mox mutato Dramate MAXIMILIANVS Cæsar Imperiali amictu apparuit, Coronam Cæsaream Amstelodamo, circumstantibus Imperii Electoribus, deferens. illam folio descendens tradebat Amstelodamo, quæ virginis os habitumque gerens, ante Cæsaris pedes prostrata, è geniculis oblatam Coronam reverenter ac submissè acceptabat. In Cæsaris ore digna Imperio elucebat Majestas, & veterum virtutum, prudentiæ, justitiæ, fortitudinis, mansuetudinis non obscuræ notæ. In Virginis vultu non affectata gravitas comitate & singulari humanitate condita. colores vestium varii, quibus totum Theatrum vernare videbatur, magnam intuentibus jucunditatem adferebant. Erant enim magna concinnitate mixti, candidus, violaceus, flavus, ruber, viridis, coccineus, & si qui sunt alii non infaustæ notæ colores. At inauspicati malique ominis, niger, fuscus, ater, lividus nusquam admissi.


### In donationem Coronæ.

**A** Mstela, qui latè terris mercaris & undis,  
    Jamque aliis adfers, jam tibi lucra refers.  
Amstela, qui nostri fulsisti pondera belli,  
    Cum mihi plus uno surgeret hoste labor.  
Seu Venetus gravis esse mihi, seu Flandria vellet,  
    Et Dominum Brugæ detinuere suum.  
Accipe Cæsaream, regni diadema, Coronam,  
    Accipe virtutis præmia digna tua.  
Hac fulvos inter radiet spectanda Leones.  
    Posteritas isto pergit honore frui.  
Classibus imperitas pelago. tua, nostra Corona est,  
    Nostra solo late fulgida, vestra salo.

A parte







A parte Insulæ Meridionali status Galliæ sub HENRICO III afflictior, sub HENRICO IV lœtissimus, quinque Scenis exhibitus fuit.

*Schemata la-  
ceræ sub  
Henri-  
co III  
Galliæ, &  
sub Hen-  
rico IV in  
integrum  
restituta.*

Primâ Scenâ visa fuit Gallia specie muliebri, gémens & plorabunda, cuius Orbi Imperioque funestas ac fatales flamas ardenti face inferebat discors contendentium Principum Invidia. Doloris tanti malique conscia Numinæ, Bacchus, Ceres, Pomona, Flora, afflictæ & dolenti Galliæ condolebant. Etiam Venerem currui insidentem junctis columbis tangebat publica calamitas. Hercules juxta humi recumbens, funesto & flebili miserabilis Galliæ conspectu, altum dolorem corde premebat. Pax, Iustitiaque, veneranda nomina, in terram prostratæ viles abjectæque habebantur. Per Sphærām accensam fissamque, Galliæ universæ Orbisque Europæ facies designabatur, quo tempore secta miserè in partes Gallia, & commissis inter se & Galliæ & Europæ Principibus, è medio sublatus fuit Rex Galliarum HENRICVS III. Tunc veluti deficiens sibi Atlas iste Gallicus, nec par ferendæ moli, quis humeros commodaret fulciendo Imperio, ancipitem reliquit Galliam, intento in tantarum rerum eventum & collapsæ Franciæ restaurationem Hercule, hoc est, HENRICO IV Navarræ Rege. Turbatis vero Regni rebus, dum milite passim castrisque inundant agri, agricolarum, Cereris, Bachi, Pomonæ, & aliorum Pace vigentium Numinum felicitas pessundatur. exulat, quæ indigenas nequit Concordia, & dum inter arma silent sacrosanctæ Themidis voces,

*Ultima cœlestum terras Astræa relinquit.*

Secun-

*Secunda  
Scena.*


Secunda Scena eandem Galliam in Theatrum produxit, flexis genibus Deos orantem, uti fractæ & in partes disceptæ Galliæ succurrant, collapsa restaurent, luxata restituant, invalida divinâ ope firment. Iupiter inter Deos suos conspicuus, unâ manu Herculem designans, alterâ Mercurium; huic in mandatis dabat, uti restaurandis Francorum regnis adhibetur Hercules, HENRICVS IV. Has enim adeundi Imperii partes moriens, & deficientibus jam viribus, coram Galliarum Proceribus Navarrorum Regi tradiderat HENRICVS III, his verbis: Vestrûm est, legitimum Regem tueri, & si desit, idoneum regno dare. Navarrum habetis, ut jure proximum, ita dignitate eminentem, quem si non legitima successio ad regnum vocaret, dignitas, quam secundum me in exercitu primariam obtinet, me sublato Imperatorem faceret. Hic & summa animi æquitate prædictus, & longo rerum usu abundè instructus, inenarrabili Dei cuncta moderantis providentia, contra multorum sententiam mecum reconciliatus, & in hoc exercitu cum summo imperio constitutus videtur, ut labantem regni fortunam virtute sua fulciat. Huic, si regnum salvum cupitis, quam debetis, obedientiam præstare. Hoc si non fides, at periculum proprium a vobis exigit.

*Tertia Scen-  
a.*


Tertia Scena Herculem hunc introducebat duce Mercurio, cui operam suam fulciendo Orbi obtulere Divûm imperio Mars & Pallas, ille armis opitulatus, hæc prudentia & confilio; adspectante hæc ipsa è sublimi augusto Superorum Confessu.


*Quarta  
Scena.*

Quarta Scena Herculem tanto operi intentum vidit, & excusso statione suâ & perpendiculo polos suis













## Colour Chart #13

A vertical colour chart consisting of a grid of colored squares. The columns are labeled from left to right: Blue, Cyan, Green, Yellow, Red, Magenta, White, 3/Color, and Black. The rows are labeled from top to bottom: Purple, Blue, Cyan, Green, Yellow, Red, Magenta, White, and Black. To the right of the grid is a ruler scale with markings for both inches (top) and centimetres (bottom), ranging from 1 to 8 inches/cm.












E. M. Inv:

12









fuis restituentem sedibus. Illi auxiliatrices manus  
commodabant Fortitudo , Prudentia , nec non Cle-  
mentia , & Vigilantia , propriæ H E N R I C I IV vir-  
tutes.

Quinta Scena restitutam in integrum, in columem-  
que Galliam ostendit ; Orbemque humeris Gallici  
Herculis validè suffultam. Regnum quippe adeptus,  
sopitis dissidiis bellisque , injuriarum omnium imme-  
mor , mira in infensissimos hostes facilitate & Cle-  
mentia sibi gloriam immortalem , vicinis quietem ,  
subditis Pacem , Iustitiam rostris restituit , totique  
Orbi Europæo tranquillitatem paravit. Cujus gloriæ  
& virtutum hæres L O D O V I C V S X I I I , Paternis  
vestigiis insistens, dignum tanto se genitore successo-  
rem præstat , & eundem Orbem velut alter Alcides ,  
robore, consilio, pacis bellique prudenti moderamine ,  
Dei Opt. Max. beneficio , inconcussis humeris lacer-  
tisque fulcit & librat.


*Quinta  
Scena.*

In Spectacula Orbis Gallici sub H E N R I C O III  
laceri , sub H E N R I C O IV restituti.

**G**allia dum lacerum bellis civilibus Orbem  
Adspicit, & regni vincula rupta sui ,  
Commissosque Duces, adversosque ensibus enses ,  
Et fossum Regi proditione latus :  
Ingemit excusso tantis cervicibus axes ,  
Dimotosque sua de statione polos .  
Sic afflcta Jovem precibus, Divumque lacepsit  
Numina, & ex alto lurida poscit opem .  
Stant juxta Pomona, Ceres, Liberque, Venusque ,  
Quasque Deas belli vis malesana premit.

H


Con-




*Condolet atrata Superum clementia turbæ,  
 Dumque cupit Gallis consuluisse suis:  
 BORBONIVM lapsis Druidum succurrere rebus  
 Poscit, & his humeris pondera tanta geri.  
 Succurrit Regi Pallas Sapientia, Mavors  
 Auxiliatrices commodat ipse manus.  
 His Ducibus dum bella gerit, dum mitigat hostes,  
 Integra sperata Gallia pace coit:  
 Et valida Mundum fulcit cervice Navarrus,  
 Seque polos aptè restituisse videt.  
 Tunc regno sua parta quies, tunc rura, penateis,  
 Templa, foci, vultus exseruere novos.  
 Pax rediit, scandit neglectum Astræa cubile,  
 Et reduces prisca sede stetere Dii.  
 Hoc Spectacula docent. ubi fracti conditor Orbis,  
 Alcideæ HENRICVS nomen onusque gerit.*

*Nauma-  
chia.*

Hæc sacra cum vela cooperuissent, à Scenicis Spectaculis ad Gymnica & Naumachiam itum. Priora severa fronte adspeximus, hæc lætâ & ad hilaritatem compositâ. Fuit inter Circenses ludos hæc exercitatio, qua navalis pugnæ forma in mari, fluvio, vel lacu repræsentabatur. Augustus, qui Spectaculorum affinitate & magnificantia omnes antecessit, navale prælium ad Tiberim, Nero in aquis ex mari proximo emissis, Domitianus in ipso Amphitheatro exhibuit. Effosso in Cœlio monte lacu commissæ inter se Tyriæ & Ægyptiæ classes, biremes, & triremes à Cæsare fuere. in nostro flumine Neptuni filii decem, ventis procellisque asperata turba, lineo omnes induti amiculæ, capitiis rubellis velati, è quibus galli gallinacei, pugnacissimi inter aves animalis, plumæ attollebantur, ludicri belli partes erant. Stabant singuli in pupibus







pibus & minaci alias alium vultu , quasi de rerum summa ageretur , intuebantur . Pro armis lancea rudi s , vel contus erat , quem pectori defixum in adversum occursantis hostis pectus summa vi , incitatis hinc inde & concurrentibus velocissima remigratione cymbulis , dirigebant . Illud lepidum ac festivum , dum acerrimus exspectatur primus concursus , antagonistæ nostri , se mutuo blandâ salutatione prætervecti , demissis contis spectatorum exspectationem fefellere . Tum pugnatum acriter duelli specie , interdum occursatum pari Marte & uterque in flumen præceps actus , interdum dejecto uno , alter in puppi triumphanti similis perstitit , interdum irrito hinc inde conflictu , stationem suam tenuere singuli . certamini ante finis non fuit , quam omnes victores , omnes victi aquas bibissent . Excepta hæc nautarum palæstra effuso spectantium risu fuit . Ibat cœlo clamor , omnium una vox popularem favorem in æthera usque deferebat . Et poterat non gravis esse & subridere horum ludorum adspectu Regia Mater . Fertur risisse Iupiter , cum præcipitem cœlo daret Vulcanum . quid mirum , si Majestati suæ venerandum supercilium lætius explicuerit hoc nauticæ pubis certamen . Legimus Achillem inter arma cytharam & fides interposuisse , & animum ægrum curâ aut offensa recreasse . Ipsi Orbis terrarum victores Græci Romanique , bellorum fulmina , maris terror & procellæ , in theatris , circis , compitis , spectaculis , populi corona circumfusi Imperatores se esse non meminerunt . Demittunt se subinde ad minuta & oblectantia maximorum consiliorum capaces , ut curarum & negotiorum morositatem mixta diffindant hilaritate . Ludo hæc gesta fa-

teor; nec enim Quiritium crudelitas placuit, quibus crudæ mancipiorum cædes & lanienæ pro oblectamento erant.

Absolverat partes suas Amstela, cum celeri remigo vergente jam die properatum fuit ad Yam, insequentibus Liburnicis infinito numero, quæ dum pontium fornices transire ordine caveant, facto concursu viam sibi importunâ festinatione præcluserunt; in discrimen penè adductis celocibus minoribus, & minus valida compage nexionis, quibus hinc inde pressæ insonuere cavæ gemitumque dedere cavernæ. Regina celerius adremigans cum myoparonibus non multis, relictâ à tergo tardius festinantium classe, per cataractam Antonianam in Yæ fluentum devénit. Ya ab occasu in ortum magno ac spatio alveo, ob exesa & attrita temporum longinquitate Austrini sinus littora, Aquilonare Vrbis latus prætervectus, commodam navibus stationem præbet. Totum id latus dupli palorum ordine adversus fluctus munitum, valli vicem obtinet, stipibus in modum muralis sepis artissime junctis. Vedit hic Regina locum Vrbis ripa & palorum septo interclusum, quem Walam vocant, ubi hiberno tempore cum se maris tempestatibus naves subduxerunt, otia agunt, & usque in proxima veris tempora tutæ adservantur. Ab altero latere Navale est, five area grandis, ubi naves onerariæ Societatis Orientalis aut ædificari novæ, aut attritæ reparari solent. huc dum oculos præternavigans flectit M E D I C E A, vedit recens è continente demissam Navem vectoriam grandem, qualibus ex Indis transportari solent Auroræ messes, & uberes proventus. Mos est, navibus sua imponere nomina quibus discernantur,







tur, quod & à veteribus factum. Rogata à Consulibus Regina Mater, ut nomen inderet abituræ in longinas oras Navi, MARIAE DE MEDICES appellatione illam insignivit, & una cum nomine faustum illi ac felix iter comprecata fuit. Dicat nunc illa :

*Sum MARIA, & MEDICES datur appellatio, quæ si  
Non sunt servantis verba, faventis erunt.*

Glorientur aliæ Neptuni, Tritonis, Sirenum insignibus, aliæ Vrbium suarum, unde primum dimissæ, nominibus, aliæ Leones, Tigrides, Canes venaticos, Dracones, Solis vel Lunæ imagines puppium pegmatibus ostentent : aliæ provinciarum magnificâ gaudent inscriptione, aliæ à principibus nostratibus nomen mutuentur. prima hæc, unica hæc sub MEDICEO nomine, tanquam propitio sidere, in eas terras, Deo Auspice, navigabit, ubi lucri gloriæque mortaliū cupiditas, cum ulterius progredi non habeat, iisdem quibus Sol terminis clauditur. Mox Reginæ naviganti in conspectum venit exorrecta in maximam latitudinem Civitas, attollentibus se hic illic ad fluminis oram turribus, & inter has exsurgentibus pulchrè perpetuâ serie ædium fastigiis. Visæ hic navium classes in anchoris stantes, nemoris densissimi specie, in longum exorrectæ, quibus Mundum omnem pererrat, etiam extra anni Solisque vias, sedulus Merca-

tor, *Per mare pauperiem fugiens, per saxa, per ignes.* Iacebant mixtæ præfidiariæ & bellicæ mansuetis ac mercantibus, rostratæ actuariis, confratæ apertis, prætoriæ speculatoriis. etiam navium Liburnicarum, quæ propridie Reginam expectaverat, ingens classis, cum insigni-

*Regina Na-  
vi Indie  
Orientalis  
nomen Ma-  
riae de  
Medicis  
imponit.*

*Naves in  
Taurum  
longo tracta  
in anchoris  
stantes ad-  
spectat.*

bus & ornamentis vela faciens Yæ partem instraverat. Majorum navium alias Italia, Cyprus, Ægyptus, Syria, Græcia, Venetiæ navigatione proprias habent: aliæ Franciæ, Scotiæ, Hiberniæ, Germaniæ, Daniæ, Norvegiæ, Sueciæ, Poloniæ, Borussiæ, Moscoviæ, Groenlandiæ, commerciis destinantur: aliæ Guineam, Persiam, Arabiam, Indiam intra & extra Gangem, Insulas Orientales, quin Chinam, Iaponiamque Asiæ extrema, adeunt: aliæ in adverso orbe, Brasilia, Novo Belgio, Nova Hispania, & trajectis fretis Magellaniaco, & quod à primo Inventore Mairii nomen accepit, fortunam vel Marte, vel Mercurio duce indies experiuntur. aliis lintea, sal, vina rubra albaque, oleum, papyrus, lana, plumbum, stannum, cerevisiæ importantur: aliis mel, cera, frumentum, salnitrum, vitrum, vina Rhenensia, pelles & exuviae animalium ac ligna fabrilia: aliis panni cymatiles, fila serica, margitæ, vina Cretenſia, sulphur, rhabarbarum, mumia, cassia, tutia, goſſypium, oryza, resina, pix lenta liquidaque, cineres saponarii, fullonum terræ: denique omnis generis aromata, piper, cariophylla, cinnamomum, thus, myrrha, balsamum, &c. Adspexit non sine stupore Regina cavos pandosque ventres, quibus in hoc Emporium advehuntur, rursusque avehuntur Vniversi opes. Vedit innatantes aquis veliferas arces, tormentis bellicis non una serie dispositis, vim & bella minantes, quibus in Hispanos, Lusitanos, Morinos, Pœnos itur. Hærente in aquis Reginâ, explosæ undique ex Vrbe grandiores machinæ. nec aliud Spectaculum Reginæ rarius, quam hoc navium fuit, quia Amstelodamensium proprium. Etenim hæ navium classes τάχη illa ξύλων sunt, quibus Græciam defendi

defendi oportere Apollinis oraculo intellexit prudenterissimus Themistocles. Harum curam Rebuspublicis commendat Consul Romanus Orat. pro Flacco, non præsidii solum & mercaturæ, sed & ornandi imperii causa. Thucydides magnorum principum ait esse, illud efficere, ne qua gens alia illi classe præpolleat. Sin minus, ut quæque munitissima & firmissima est, ita eam habere amicam, maximi momenti esse maritimum imperium, cum ex militiæ navalis usu facilius sit terrestris. Emenso Yâ, comitante Liburnicarum classe, qua Civitatem alluit, per Salinarum contubernia, inde, per fossam Principis, Vrbem denuo subiens, in Palatium suum sub vesperam rediit, adstite semper & comite Amplissimo Consulum Quatuorviratu.

Dum Reginæ solennia hæc facit Senatus, Consules, Cives; non siluerunt poëtarum voces, quæ Latinis, Italicis, Gallicis, Belgicis carminibus magnam Regum Matrem celebraverunt. quæ oxyus, serius in lucem edita Vrbem omnem, Bibliopolarum officinas, & avidas lectorum manus implebant. Ipsa Iudæorum natio, ut suum quoque studium probaret, fercula ritu suæ gentis, ex pane azymo apparata, Regiæ mensæ apposuit. Prandente Regina, tantus hominum in Aulam concursus fuit, ut per vices tota Vrbs ingredi, tota egredi, tanquam ad propriæ Principis ac Dominæ conspectum, visa fuerit. Nec silentio prætereundum, in toto hoc apparatu, erigendis Arcubus triumphalibus, Spectaculis, Schematibus, Insulæ natatilis ad stuporem omnium properata structura, emicuisse summam Samuelis Costeri Doctoris Medicique exercitatissimi industriam, sagacitatem, vigiliam, laborem; nec non Advocati Ioannis Victorini,

qui

qui suas quoque ad hæc festivitatis & Scenarum solennia partes gnaviter, alacriter, ingeniose contulit.

*Regina officinas absque comitatu obit.*

Die Sabbathi otium fuit ab omni majore motu, & composita jucundissima prioris tridui tempestas, pacato cive, resedit. A meridie, Regina, absque strepitu, dimisso hac illac comitatu, currum non regium solitumque, sed minus speciosum conscendit, & per Vrbis vicos nobiles ignobilesque vecta, officinas plurimas subiit, de pretiis mercium & porcellanorum sedulo quæsivit, licitantibus familiariter respondit, pretia pro contrahentium more auxit, accidit, sermones cum non Reginis miscuit, minus digna propularum responsa leniter excepit. Sic mercatrix sibi civibusque, non Regina visa fuit. Tali vultu Pallas apud Homerum, cum in Ithacam appulisset, dissimulato nomine & nomine, mercantis habitum induit. Didicit ab Adriano Imperatore sapientissima Regina, non esse ubique observandam majestatem Principis, nec invidendam Regibus hanc humanitatis voluptatem, ad humillimorum colloquia civiliter se demittendi. & Plotina Trajani Imperatoris uxor in Capitolium admissa, ad multitudinem conversa dixisse fertur : *talis* *huc ingredior, qualem me exire cupio*, innuens hoc dicto, non minus in Imperii loco, quam extra eundem, omnibus se familiariter absque fastu uti velle. Ab eadem generofâ humanitate fluxit, quod effigiem suam, cui pingendæ sedentariam moram rarissime commodat, Nobilissimis Amplissimisq; Amstelodamensium Consulibus promiserit, & Hagæ-Comitis ab eximio pictore Honthorstio delineatam donativum iisdem in perpetuam sui memoriam consecraverit. Hæc ipsa jam imaginis Invictissimi Imperatoris Caroli v Proavunculi,

*Effigiem suam promisi Coss.*

culi , Provinciarum harum Principis , lateri in Senatoria domo suspendenda destinatur, cum hac subscriptione :

*Sic iavit nostram grandis MEDICEA per Urbem,  
Sceptrorum Mater suspicienda trium.*

Reversâ in Aulam Principis Regina, xvii viri, penes quos summa potestas, & cura Societatis Indicæ, per D. Theodorum Tholingum, tunc præsidem, & alios Concilii Indici supremi Deputatos, ejusdem Societatis ac latissimè per Orientem diffusi mercatus successus & emolumenta M. Suæ favori ac patrocinio commendaverunt : & donaria MEDICEÆ elegantiora, uti vasa porcellana, arcas Iaponensium pretiosiores, lacca , auro, margaritarum conchis pulchrè discolores, humillimè obtulerunt.

Solent Principes , & quibus jus absolvendi à reatu miseros concessit eminentis Majestas , in adventu suo, clementiam suam rogati explicare. Fecit idem MEDICEA , & homini controversæ salutis, qui se homicidii reum , inopinatò , lapidis jactu fecerat, vitæ gratiam coram Amstelodameni Tribunali impetravit.


Illuxerat dies Dominicus , cum Regina, abeundi <sup>Regina</sup> <sub>dijcessus.</sub> certa, ad iter se accinxit. Consules qua humanitate, quibus honoribus venientem exceperant, discedentem prosequuti sunt . Eorum præscripto phalanx equitum armis vestibusque, ut ante, conspicua, è regione Palatii præsto fuit , deductura MEDICEAM. E civium cohortibus habito delectu , quingenti sclopetarii ad Harlemensem portam suis stetere ordinibus. Antequam Principis aula exiret Regina, accessere illam valedicturi Consules. Verba iterum præ-


ivit Syndicus Guilielmus Borelius , lingua Gallica,  
quæ sic vertimus :


## S E R E N I S S I M A R E G I N A,

Consules  
 valedicunt  
 Regiae per  
 Syndicum  
 Borelium.

Quandoquidem M. T. visum , commorandi hic  
 diutius spacium præmaturo abitu præcidere , Domi-  
 ni mei, Consules, Rectoresque hujus Reip. quotquot  
 „ præsentes ad sunt, rogant obsecrantque submissè, uti  
 „ M. T. sibi accepta grataque esse finat, ea officia, quæ  
 „ per temporis brevitatem, M. T. præstari potuere, tan-  
 „ quam sincera affectus sui cultusque erga M. T. do-  
 „ cumenta. Vedit Illa universam Civium multitudinem  
 „ in vultu Regiæ Majestatis hæsisse , nec videndo ex-  
 „ pleri potuisse , aut etiamnum expleri. Hæc ipsa, quæ  
 „ M. T. accepit & habuit Domus , multis retrò annis  
 „ sedes fuit, in qua Principes nostri & Proavi Tui, quo-  
 „ ties in hanc Vrbem concessere, otia sua quæsiverunt.  
 „ Hos ipsos ad M. T. præsentiam veluti præsentes vi-  
 „ dere nobis videmur . In illorum numero Abavus  
 „ Tuus est MAXIMILIANVS Imperator , qui ante  
 „ sesquiseculum Vrbem hanc Coronæ Cæsareæ insigni-  
 „ bus condecoravit . Da veniam , ut in tanti beneficij  
 „ æternam memoriam diem hunc signemus & conse-  
 „ cremus Regiæ Tuæ Majestati. qnæ uti in Civitatis  
 „ hujus prosperitatem & felicitatem aliquà admitti se  
 „ sivit, ita intuitu Coronæ hujus Cæsareæ, tanquam Iri-  
 „ dis , fidem nobis faciet perpetui Sui erga Civitatem  
 „ hanc & mercantium fortunas favoris ac benevolen-  
 „ tiæ. Hoc ut ratum fixumque esse velit M. T. seriò  
 „ & obnixè flagitamus. Ita M. T. perpetuo debebit  
 „ hæc Civitas , debebunt Consules & Reip. hujus Re-  
 „ ctores,







ctores, qui ut submissa hæc ipsorum officia M. T. benignè accipiat, vehementer cupiunt.

Dixerat Syndicus. Tum Regina sereno vultu & ad comitatem composite, multa se fama olim accepisse de Vrbis hujus splendore & elegantia respondit, sed comperisse se, superari longè à vero famam: prospera se omnia feliciaque Vrbi huic incolisque precari: benevolo se in Remp. hanc & Rectores ejus fuisse & fore affectu, nec de eo intermissuram unquam: oblatis occasionibus, non defuturam se Vrbis commodis successibusque: Consulum se Rectorumque ejus & Civium benevolam erga se voluntatem & studia, pari amore & animi propensione amplecti, & quæ alia in illam sententiam prudenter graviterque dixit Regalis facundia.

Inde digressi Consules Celfissimæ Principi Amelie<sup>Nec non  
Celfissimæ  
Principi  
Amelie.</sup> valedixerunt, & se, officia sua, Civiumque suorum, eidem prolixè & debita veneratione obtulerunt. Inter hæc strepere hominum concursu compita, vici, plateæ, fora. Idem, quod intrante Regina videndi eam incesserat omnes studium, nondum abeunte se remisit. Illa, ne publica sacra novis motibus & longiore mora turbaret, circa nonam consensis curribus discessit. Curiam prætervectæ denuò illi valedixerunt Consules. Regina, postquam gratissimam sibi Consulum erga se benevolentiam, tot testimoniois probatam, læta apertaque fronte significasset per aggerem Novum, qua via Vrbem subiverat, egressa, comitante equitum phalange, juxta maritima iter suum legit. Intra primum ab Vrbe lapidem Reginæ extremum valedixit ductor agminis D. de Petthem his verbis:

S E R E N I S S I M A D O M I N A,

„ Pervenimus huc , ad extremos ferè territorii Am-  
 „ stelodamensis limites. Quare gratias agimus M. T.  
 „ non solum, quod præsentia sua Vrbem hanc condeco-  
 „ raverit, verum , quod intranti , & nunc eadem egre-  
 „ dienti , duces nos comitesque admiserit. Hoc à  
 „ D. D. Consulibus & Rectoribus hujus Vrbis in man-  
 „ datis habemus, ut quoisque M. T. visum erit impe-  
 „ rare , eandem comitemur. quod lubentes omnes,  
 „ promptisque animis facere ad M. T. nutum , tan-  
 „ quam humillimi ejus cultores, parati sumus.

Respondit Regina , se D. D. Consulibus pro tot  
 benevolentiae testimoniis , nec non Equestri turmæ  
 pro comitatu gratias agere.. tempus esse , uti rece-  
 ptui signum detur, & ita in Vrbem se recipiat officio-  
 sa equitum patritiorum phalanx. Ad has voces D. de  
 Petthem Reginæ valedicens, & felix illi iter, & vitam  
 longævam comprecatus , cum universa phalange Vr-  
 bem repetiit. Illa iter suum urgens, Harleum trans-  
 ivit, & inclinante se in vesperam die, Lugdunum Ba-  
 tavorum subiit : ubi debit is maximisque honoribus  
 ab Ampliss. Senatu, Consulibus, civibusque excepta,  
 & per noctem commorata , postera luce Hagam Co-  
 mitis salva incolumisque devenit. Illud memorabile  
 & suspiciendum, eodem , quo Amstelodamo die dis-  
 cessit M A R I A D E M E D I C I S , Christianissimo  
 L O D O V I C O Galliarum Regi exoptatissimum Patris  
 nomen, Reginæ Conjugi Matris , M E D I C E A E Aviæ  
 nomen,nato terris Delphino,accessisse. Qua illa hora  
 Vrbe maxima exivit , editus in lucem fuit infans Au-  
 gustif-

gustissimus, Galliarum omnium hæres. Quod tempus  
 Reginam subduxit nobis, Nepotem maximum dedit  
 Gallis, post desperatam ferè viginti & ultra annorum  
 spem. Auspicatus egressus, cui fatorum veluti con-  
 spiratione synchronos fuit desideratissimæ sobolis in  
 mundum ingressus. Orbem salutavit magnus novus  
 que orbis hospes, & Francici, si Fata sinent, futurus  
 rector, cum orbis Emporio valedixit Amstelodamen-  
 sium rara, & prædicanda Hospes. quâ nulla D I -  
 G N I O R A M S T E L I A S P A T E F E C I T F E M I N A  
 P O R T A S. Vt in votis desinam; Reginam Matrem,  
 nunc Liligeræ ex filio prolis Aviam; L O D O V I C U M  
 Regem, nunc Patrem; Reginam, jam Matrem; Del-  
 phinum, Galliæ totiusque Europæ communi gaudio  
 & bono natum, servet, protegat, tueatur D I V I N A  
 M A I E S T A S, ut & illi laudanda semper subditis ac  
 Federatis faciant, & hi illa laudare nunquam desinant.  
 Ita fiet, ut & distractum miserè in bellorum partes  
 Europæ ac Christiani orbis corpus, eorundem Re-  
 gum Principumque studiis & moderamine aliquan-  
 do coalescat, & restituta securæ pacis felicitate, vi-  
 geat, floreat, crescat. Hoc Patriæ nostræ, hoc Regi-  
 bus, hoc populo, hoc Ecclesiæ tuæ largire, M A -  
 G N E, A E T E R N E D E V S.

In Natum Galliarum Delphinum eodem die  
 & horâ, quâ Amstelodamo discessit Avia

M A R I A D E M E D I C I S.

*Q*Valia in æthereo succedunt sidera Olympo,  
 Alteraque exurgunt, altera lapsa cadunt:  
 Perque vices radians stellis variantibus æther,  
 Nunc hoc, nunc illo mutat in orbe faces:

Talis

Talis ab Amsteliis dum se Fax Itala terris  
Subtrahit, atque suum flectit ab Vrbe jubar:  
Ecce procul Druidum in terris Phœbeia surgunt  
Lumina, & hæredem disita regna vident.  
Una eademque dies Regalem lampada vedit  
Nascier, una aliam vedit abire dies.  
Amstela sic abitu doluit, sed Francia partu  
Totaque Delphino Gallia lata fuit.  
Vive nepos M A R I Æ, & qua jam tibi Lilia crescunt,  
Prospera sint Gallis, prospera sint Batavis.

F I N I S.



